

ТОШКЕНТ ОҚШОМИ

Газета 1966 йил
1 июлдан
чиқа бошлаган

ШАҲАР ИЖТИМОИЙ - СИЁСИЙ ГАЗЕТАСИ

№ 125 (10.178)

2004 ЙИЛ 30 ИЮН

Ўзбекистон Республикаси Вазирлар Маҳкамасининг ҚАРОРИ

ЎЗБЕКИСТОН РЕСПУБЛИКАСИ ПРЕЗИДЕНТИНИНГ 2004 ЙИЛ 25 МАЙДАГИ «ЎЗБЕКИСТОН ХОТИН-ҚИЗЛАР ҚЎМИТАСИ ФАОЛИЯТИНИ ҚЎЛЛАБ- ҚУВВATЛАШ БОРАСИДАГИ ҚЎШИМЧА ЧОРА-ТАДБИРЛАР ТЎҒРИСИДА» ПФ-3434-СОНЛИ ФАРМОНИ ИЖРОСИНИ ТАЪМИНЛАШ ЧОРА- ТАДБИРЛАРИ ДАСТУРИ ТЎҒРИСИДА

Ўзбекистон Республикаси Хукумати, республика вазирлик ва идоралари, жамоат ташкилотлари томонидан хотин-қизларнинг ҳуқуқларини ҳимоя қилиш, уларнинг мамлакат ижтимоий-сиёсий, социал-иқтисодий ҳаётидаги тўлақонли иштирокини таъминлаш юзасидан муайян ишлар олиб борилмоқда.

«Хотин-қизларга қўшимча имтиёзлар тўғрисида»-ги қонун, Аёллар йили муносабати билан Хотин-қизларнинг оилада, давлат ва жамият қурилишидаги ролини кучайтириш, уларнинг ҳуқуқий, ижтимоий, иқтисодий ва маънавий манфаатларини ҳимоя қилиш тизимини тақомиллаштириш чора-тадбирлари бўйича давлат дастури, Ўзбекистон Республикаси Президентининг «Хотин-қизларнинг ижтимоий муҳофазасини кучайтиришга оид қўшимча чора-тадбирлар тўғрисида»-ги фармони, бошқа бир қатор меъёрий-ҳуқуқий ҳужжатларнинг қабул қилиниши ва амалга оширилиши катта аҳамиятга эга бўлди.

Шу билан бирга, ўтказилган таҳлил хотин-қизлар қўмиталари, жамоат ташкилотлари, давлат тузилмаларининг хотин-қизларнинг иқтисодий ва ижтимоий-сиёсий манфаатларини ҳимоя қилиш, уларнинг оилада, ижтимоий ҳаёт ва давлат қурилишидаги ролини ошириш ишида жиддий камчиликлар ва фойдаланилмаган имкониятлар мавжудлигини кўрсатмоқда.

Марказда ва жойларда хотин-қизлар қўмиталарига кўпинча асосан бюджет маблағлари ҳисобига молиялаштирилган ва ўз фаолиятида маъмурий усуллардан фойдаланадиган давлат тузилмалари сифатида қаралмоқда.

Хотин-қизлар қўмиталарининг турли раҳбарлик лавозимларига сайланган аксарият фаоллар бошланғич хотин-қизлар жамоаларидан ажралиб қолган, улар ўзларини аёллар жамоатчилигининг вакиллари эмас, балки давлат хизматчилари деб ҳисоблайди.

Натижада хотин-қизларнинг ҳақиқий аҳоли, уларнинг муаммолари ва ман-

фаатлари эътибордан четда қолмоқда.

Хотин-қизлар ҳаракати, ижтимоий ривожланиш, қуйдан бўладиган ташаббусни рағбатлантиришнинг муайян масалалари бўйича хотин-қизларнинг реал манфаатлари ва муаммоларини, уларнинг фикр ва тақлифларини аниқлашнинг самарали воситаси ҳисобланган қурултой ва конференциялар каби хотин-қизлар билан иш олиб боришнинг демократик шакллари амалда ишга солинмапти.

Мазкур қўмиталар ходимларининг жамоатчилик ва жойлардаги хотин-қизлар ташкилотлари олдига ҳисобот бериши амалда мавжуд эмас.

Хотин-қизлар қўмиталарининг оммавий ахборот воситалари билан алоқаси талабга жавоб бермайди. Хотин-қизларга мўлжалланган матбуот органлари ва нашрларда қандай мавзулар ва муаммолар ёритилаётгани, улар ўқувчиларга, биринчи навбатда ёш аёлларга қандай таъсир кўрсатаётгани қўмиталарнинг эътиборидан четда қолмоқда.

Давоми 2-бетда.

XXI саҳоси
Барча малбалардан
олинган сўнги хабарлар

Мамлакатимизда

• Вазирлар Маҳкамасида Ўзбекистон Республикаси Бош вазирининг ўринбосари, Ташқи иқтисодий алоқалар агентлиги раиси Элёр Фаниев билан Чехия Республикаси саноат ва савдо вазири Милан Урбан ўртасида учрашув бўлиб ўтди.

• Кеча Ўзбекистон Республикаси Монополиядан чиқариш ва рақобатни ривожлантириш давлат қўмитасида Истеъмолчилар ҳуқуқларини ҳимоя қилиш бўйича идоралараро кенгашининг кенгайтирилган мажлиси ўтказилди.

• Вазирлар Маҳкамаси ҳузуридаги Гидрометеорология бош бошқармасида иқлим ўзгаришининг олдини олиш бўйича замонавий технологияларни қўллаш ва халқаро ҳамкорликни ривожлантиришга бағишланган семинар-тренинг бошланди.

• Оролбўйида янги иш ўринларини яратиш, ёшларга тадбиркорлик асосларини ўргатиш мақсадида Осиё Тараққиёт ва тикланиш банкнинг янги лойиҳаси амалга оширила бошланди.

• Қизилтепа туманидаги Хомробод қишлоғида янги қишлоқ врачлик пункти ишга тушди. 7 мингдан зиёд кишига хизмат кўрсатадиган бу муассасани «Зилола пойдевори» кўп тармоқли ишлаб чиқариш корхонаси қурувчилари бунёд этди.

• Андижон вилоят галлакларлари 226.600 тонна, шу жумладан, 130.000 тонна уруғлик донини давлат қабул пунктларига топшириб, шартнома-режасини бажардилар.

Жаҳонда

Истамбулда НАТО ташкилотининг икки кунлик саммити биринчи босқичи бўлиб ўтди. НАТО Бош котиби Яап де Хооп Схеффер ушбу саммитни тарихий учрашув сифатида баҳолади.

• Хукумати Ироққа топшириш маросими белгиланган муддатдан 2 кун олдин — душанба кунин Бағдодда ўтказилди. Маросимдан кейин журналистларга берган интервьюсида муваққат ҳукумат бош вазири Айдод Алавий Ироқ ҳукумати қатъий равишда Келгус йил 2 январда сайловлар ўтказишини таъкидлади.

• МАГАТЭ раҳбари Муҳаммад ал Барадей Исроилни агентлик билан Яқин Шарқда оммавий қирғин қурулорлар тарқалиб кетмаслиги борасида музокаралар олиб боришга чакирди.

• Эрон давлати гиёвандликка қарши кескин курашаётганини амалда намойён қилди — Бутунжаҳон гиёвандликка қарши кураш кунига Техрон шаҳрида 50 тоннадан ортиқ опиум моддаси ёқиб юборилди.

Ўзбекистон Республикаси Конституциясига мувофиқ халқ давлат ҳокимиятининг ягона манбаидир. Фуқароларимиз давлат ҳокимияти вакиллик органларига сайлаш ва сайланиш ҳуқуқига эга. Улар жамият ва давлат ишларини бошқаришда бевосита ҳамда ўз вакиллари орқали иштирок этади. Бундай иштирок эса давлат органларини демократик тарзда ташкил этиш йўли билан амалга оширилади.

ИККИ ПАЛАТАЛИ ПАРЛАМЕНТГА САЙЛОВ: НАЗАРИЯ ВА АМАЛИЁТ

Тошкент давлат юридик институтида «Икки палатали парламентга сайлов: назария ва амалиёт масалалари» мавзусида илмий-амалий анжуман бўлиб ўтди.

Унда Ўзбекистон Республикаси Марказий сайлов комиссияси аъзолари, Олий Мажлис, Адлия вазирлиги масъул ходимлари, ҳуқуқшунос олимлар, сиёсий партиялар, халқаро ташкилотлар ва жамоат бирлашмалари, оммавий ахборот воситалари вакиллари қатнашди.

Институт ректори М.Рустамбоев бошқарган анжуманда мамлакатимизда фоят муҳим ижтимоий-сиёсий воқеа — икки палатали парламентга ўтказилажак сайловга қизгин тайёргарлик ишлари бошлангани қайд этилди. Бу сайлов кўпгина жиҳатлари билан илгирчиларидан фарқ қилади. Сайловга доир ҳужжатларга тўз ўзгаришлар киритилиб, халқаро меъёрларга мос қонунчилик асослари яратилди.

Анжуманда Марказий сайлов комиссиясининг Раиси Б.Мустафоевнинг «Эркин демократик сайловнинг ҳуқуқий асослари», Олий Мажлисининг Қонунчилик ва суд-ҳуқуқ масалалари қўмитаси раиси ўринбосари А.Тўхташевнинг «Маҳаллий кенгашларга сайлов ва Сенат», Адлия вазирлиги масъул ходими,

профессор О.Хусановнинг «Сайлов қонунчилигида халқаро стандартлар», шунингдек юртимизда фаолият кўрсатаётган сиёсий партиялар вакиллари, фуқаролик жамиятида сиёсий партияларнинг роли хусусидаги маърузалари тингланди.

Таъкидланганидек, ўз фаолиятини доимий асосда олиб борадиган Қонунчилик палатаси шакллантирилиши муносабати билан сайловда сиёсий партияларнинг роли сезиларли ортади. Шу боис мавжуд сиёсий партия ва ҳаракатлар ўз фаолиятини жонлантиришга, тараққий топган демократик давлатлар тажрибаси асосида юртимизда ҳақиқий кўппартиявийлик, демократик парламентаризм тизими, ижобий сиёсий рақобат муҳитини қарор топтиришга ҳисса қўшишга ҳаракат қилмоқда.

Тадбирда икки палатали парламентга ўтказиладиган сайловнинг халқимиз ижтимоий-сиёсий ҳаётидаги аҳамияти, кенг жамоатчилигини сайлов қонунларининг мазмун-моҳияти билан батафсил таништириб бориш, сайловолди жараёنларини тезкорлик ва ҳолислик билан ёритишда оммавий ахборот воситалари ўрнига алоҳида эътибор қаратилди.

Бехзод НОРБОВ,
ЎЗА муҳбири

ПОЙТАХТНИНГ Бир кунли

Янгиликлар, воқеалар

ҚИЗГА

• **ТОШКЕНТ** шаҳар ҳокимлигида Ўзбекистон Республикаси Президентининг «Ўзбекистон хотин-қизлар қўмитаси фаолиятини қўллаб-қувватлаш борасидаги қўшимча чора-тадбирлар тўғрисида»-ги Фармонини бажаришда оналар ва болалар саломатлигини муҳофиза қилиш ҳамда яхшилаш масалаларига бағишланган илмий-амалий анжуман бўлиб ўтди.

• **ҲАМЗА** туманида Тадбиркорлар ва ишбилармонлар ҳаракати — Ўзбекистон либерал-демократик партияси Тошкент шаҳар Кенгаши томонидан партиянинг мақсад ва вазифаларини тарғиб-таъшиқ қилиш ишларини амалга оширишнинг чораларига бағишланган тадбир бўлиб ўтди.

• **БУГҲУН** Жаҳон иқтисодиёти ва дипломатия университетида барча соҳа ўқитувчилари иштирокида «Илгиринг энг яхши мураббийси» кўрик танлови бўлиб ўтди.

• **МИРЗО** Улугбек номидаги Ўзбекистон Миллий университети қошидаги Саъди Сирождидинов номи академик лицейида ҳамда Абу Райхон Бериуний номидаги Тошкент Давлат техника университети қошидаги Чилонзор академик лицейида мазкур илм масканлари битирувчиларига дипломлар топширилди.

• **ШАХРИМИЗДА** ҳуқуқни муҳофиза қилувчи идоралар вакиллари иштирокида ўтказилган семинарда иқтисодиёт ривожига тўсқинлик қилаётган ҳуқуқбузарлик ҳолатларининг олдини олиш чоралари ҳақида сўз борди.

Тошкент шаҳар ҳокимлиги Матбуот хизмати ва ўз мухбирларимиз хабарларидан.

МАЛАКАЛИ ОФИЦЕРЛАР - АРМИЯМИЗ ТАЯНЧИ

Пойтахтимиздаги Марказий офицерлар уйида Ўзбекистон Республикаси Қуролли Кучлар академияси битирувчиларига диплом топшириш маросими бўлиб ўтди. Унда давлат ва жамоат ташкилотлари вакиллари, Мудофаа вазирлиги, Қуролли Кучлар Бирлашган штабининг ходимлари, хорижий мамлакатлар элчихоналарининг ҳарбий атташелари ҳамда битирувчиларнинг оила аъзолари иштирок этди.

Бундан икки йил аввал ҳарбий қисм ва бўлинмаларда ўз маҳорати ва салоҳиятини кўрсата билган офицерлар академияга қабул қилинган эди. Ўтган давр мобайнида тингловчилар амалий ва қўмондонлик-штаб машғулоти, қўшинларни бошқариш ва миллий хавфсизликни таъминлаш каби қатор йўналишлар бўйича кўникма ва малакаларини янада оширди.

Ўзбекистон Республикаси Президенти ҳузуридаги Миллий хавфсизлик кенгаши котиби Руслан Мирзаев, мудофаа вазирининг биринчи ўринбосари, Қуролли Кучлар Бирлашган штаби бошлиғи, генерал-майор Исмоил Эргашев ва бошқалар академия битирувчиларини қизгин табриклади.

— Академиямизда бу йил илк бор Моделлаштириш ва симуляция махсус маркази ҳамкорлигида тингловчилар билан компьютерлашган қўмондонлик-штаб машғулоти ўтказдик, — дейди Қуролли Кучлар академиясининг бошлиғи, генерал-майор Феруз Усмонов. — Бугун миллий армиямиз сафига Ватанимизга содиқ, профессионал билимга эга малакали офицерлар қўшилмоқда.

Тадбирда Ўзбекистон Республикаси мудофаа вазири Қодир Фуломов битирувчиларга диплом ва кўкрак нишонларини топширди.

ЎЗА

Давоми. Боши 1-бетда.

Аёлларнинг муайян қисми, айниқса қишлоқ жойларда, хотин-қизлар кўмиталарининг эътиборидан четда қолмоқда, улар ўз ҳолига ташлаб қўйилган ва шу боис турли, жумладан, бузғинчи кучларнинг таъсир объектига айланмоқда.

Хотин-қизларни маънавий-ахлоқий тарбиялаш, уларнинг ижтимоий-маиший муаммоларини ҳал этиш ишида маҳаллаларнинг хотин-қиз фаоллари, фуқаролар йиғини, жумладан, аҳоли ўртасида обрў-эътиборга эга бўлган, миллий-диний анъана ва урф-одатларни яхши биладиган ҳамда тегишли анъанавий урф-одат ва расм-русумлар ўтказилишида бош-қош бўладиган аёлларнинг имкониятларидан фойдаланилмаяпти. Айни вақтда уларга ҳар томонлама ёрдам бериш, ушбу хотин-қизларни ҳокимликлар, маҳалла кўмиталари томонидан ўтказиладиган тадбирларни амалга оширишга фаол жалб этиш, фуқароларнинг йиғинлари раҳбарлари таркибига киритиш хотин-қизлар ва ёшлар билан ишлашни сезиларли даражада яхшилашга қўмаклашган бўлур эди.

Хотин-қизлар кўмиталарининг фаолияти, энг аввало, хотин-қизларни иш билан таъминлаш муаммоларини ҳал этишга, шу жумладан, вақтинчалик иш ўринлари барпо этиш, қасанчаллик меҳнатини ташкил қилиш ва хотин-қизларни ишга жойлаштиришнинг бошқа шаклларида фойдаланишга қаратилиши зарур. Давлат томонидан кўрсатилаётган моддий ва бошқа ёрдамлар билан бирга хотин-қизларга ишлаш учун шарт-шароит ва имкониятлар яратиш даркор.

Иш билан таъминлаш - хотин-қизлар мустақиллиги, уларнинг фаол ижтимоий, ҳаётий позицияга эга бўлишларининг муҳим шартидир.

Оналик ва болаликни муҳофаза қилиш соҳасида қабул қилинган барча меъёрий-ҳуқуқий ҳужжатлар ва дастурлар ҳатловдан ўтказилиши, уларнинг амалга оширилиши таъминланиши зарур. Оналик ва болаликни самарали муҳофаза қилишни таъминлайдиган замонавий усуллари, илгор иш шакллари ва институтлари (скрининг, патронаж ва бошқаларни) фаол ривожлантириш лозим.

Оилада маънавий ва жисмоний жиҳатдан баркамол авлодни тарбиялаш, уни диний экстремизм ва ақидапарастлик мафкурасининг онгни захарлайдиган таъсирдан, ғиёҳвандлик ва бошқа салбий кўринишлардан ҳимоя қилиш учун зарур бўлган соғлом маънавий-ахлоқий муҳитни барпо қилиш хотин-қизлар кўмиталари фаолиятининг муҳим йўналишига айланиши керак.

Хотин-қизларнинг ижтимоий-сиёсий фаолиятини, таълим ва малака даражасини ошириш, уларнинг сайлаб қўйиладиган вакиллик ва бошқа давлат ҳокимияти идораларидаги кенг иштирокини, хотин-қизлар кўмиталари ва юртимиздаги бошқа хотин-қизлар ташкилотларининг халқаро хотин-қизлар ҳаракатида, меҳр-муруват, таълим ва бошқа соҳалардаги халқаро тузилмалар фаолиятида фаол иштирокини таъминлаш масалалари алоҳида эътиборни талаб этади.

Ўзбекистон Республикаси Вазирлар Маҳкамасининг ҚАРОРИ

ЎЗБЕКИСТОН РЕСПУБЛИКАСИ

ПРЕЗИДЕНТИНИНГ 2004 ЙИЛ 25 МАЙДАГИ

«ЎЗБЕКИСТОН ХОТИН-ҚИЗЛАР ҚЎМИТАСИ ФАОЛИЯТИНИ ҚЎЛЛАБ-ҚУВВATЛАШ БОРАСИДАГИ ҚЎШИМЧА ЧОРА-ТАДБИРЛАР ТЎҒРИСИДА» ПФ-3434-СОНЛИ ФАРМОНИ ИЖРОСИНИ ТАЪМИНЛАШ ЧОРА-ТАДБИРЛАРИ ДАСТУРИ ТЎҒРИСИДА

Мамлакатимизда амалга оширилаётган демократик ўзгаришларга тўлиқ мос ҳолда хотин-қизларнинг ижтимоий-сиёсий фаоллигини янада ошириш, уларнинг оила, жамият ва давлат қурилишидаги вазифаларни ҳал этишдаги ўрни ва нуфузини ошириш мақсадида Вазирлар Маҳкамаси қарор қилади:

1. Ўзбекистон Республикаси Президентининг 2004 йил 25 майдаги «Ўзбекистон Хотин-қизлар кўмитаси фаолиятини қўллаб-қувватлаш борасидаги қўшимча чора-тадбирлар тўғрисида» ПФ-3434-сонли фармони ижросини таъминлаш бўйича ташкилий ва тарғибот чора-тадбирлари дастури (кейинги ўринларда «Чора-тадбирлар дастури» деб қўйилади) тасдиқлансин.

2. Чора-тадбирлар дастурини амалга ошириш бўйича давлат ҳокимияти органлари ва жамоат ташкилотлари фаолиятини мувофиқлаштириш, шунингдек хотин-қизлар билан самарали иш олиб бориш вазифаларини бажариш мақсадида доимий ишлайдиган комиссия тўзilsин.

Қуйидагилар комиссиянинг муҳим вазифалари этиб белгилансин:

хотин-қизлар ҳуқуқларини ҳимоя қилиш ишларининг аҳолини мунтазам равишда ўрганиш ва баҳолаш, уларнинг оила, жамият ва давлат қурилиши вазифаларини ҳал этишдаги ролини ошириш;

хотин-қизларни иш билан таъминлаш, уларни ишга жойлаштиришга ҳар томонлама қўмаклашиш, аёллар тадбиркорлигининг турли шакллари ривожлантириш чора-тадбирларини ишлаб чиқиш ва қабул қилиш;

хотин-қизларнинг ҳуқуқ ва манфаатларини ҳимоя қилиш, оналик ва болаликни муҳофаза этиш соҳасидаги меъёрий-ҳуқуқий ҳужжатларнинг ижросини таъминлаш;

хотин-қизларнинг ижтимоий-сиёсий фаолиятини оширишга, хотин-қизлар нодавлат нотиҳорат ташкилотларининг мамлакатнинг ижтимоий, сиёсий ҳаётида, халқаро хотин-қизлар ҳаракатидаги фаол иштирокига қўмаклашишга қаратилган тадбирларни тайёрлаш ва амалга ошириш.

3. Вазирлар Маҳкамасининг Оила, оналик ва болаликни ижтимоий муҳофаза қилиш комплекси (С.Т.Иномова), Ижтимоий комплекси (А.А.Азизхўжаев) икки ой муддатда Ўзбекистон Республикасининг хотин-қизларнинг ҳуқуқ ва манфаатларини ҳимоя қилишга йўналтирилган қонун ҳужжатлари ва давлат дастурларининг ижросини ўрганиш, хотин-қизларнинг ижтимоий-сиёсий фаолиятини ошириш, уларнинг оила, ижтимоий ҳаёт ва давлат қурилиши вазифаларини ҳал этишдаги ролини кучайтириш чора-тадбирлари тўғрисидаги масалани Ўзбекистон Республикаси Вазирлар Маҳкамаси ва Олий Мажлис Кенгашининг қўшма йиғилишида қўриб чиқиш учун тайёрласин.

4. Доимий ишлайдиган комиссия (Ш.М.Мирзиёев), Қорақалпоғистон Республикаси Вазирлар Кенгаши, вилоятлар, туман ва шаҳарлар ҳокимликлари:

15 июлгача Қорақалпоғистон Республикаси Вазирлар Кенгаши Раисининг, вилоятлар, Тошкент шаҳри, шаҳарлар ва туманлар ҳокимларининг ўринбосар-

лари - хотин-қизлар кўмиталари раисларининг функционал вазифаларини, янги талабларни ҳисобга олган ҳолда, қайта қўриб чиқсин ва тасдиқласин, бунда уларнинг хотин-қизлар, ёш аёллар билан самарали иш олиб бориш таъминлаш бўйича ваколатларини кенгайтиришни назарда тутсин;

15 августгача хотин-қизларнинг ҳуқуқларини ҳимоя қилиш, мамлакатда амалга оширилаётган демократик ўзгаришларга мувофиқ, Ўзбекистон Республикаси Президенти фармонида қўйилган вазифалар асосида уларнинг ижтимоий-сиёсий ва ижтимоий фаоллигини ошириш ишларининг аҳолини ҳар бир туман, шаҳар бўйича ўрганиб чиқсин ва танқидий баҳоласин;

1 сентябргача Ўзбекистон Республикаси Хотин-қизлар кўмитаси марказий аппарати, Қорақалпоғистон Республикаси Вазирлар Кенгаши Раисининг, вилоятлар, туман ва шаҳарлар ҳокимлари ўринбосарлари - хотин-қизлар кўмиталари раисларининг ишчи аппаратларини юқори қасб маҳорати, бой ҳаётий тажрибага эга бўлган ҳамда одамлар билан ишлаш оладиган мутахассис кадрлар билан тўлдирсин;

фуқаролар йиғинларининг диний таълим ва маънавий-ахлоқий тарбия бўйича маслаҳатчилар лавозимларини энг обрў-эътиборли ҳамда маънавий-ахлоқий тарбия соҳасида амалий тажрибага эга бўлган ва аҳолига, биринчи навбатда, ёшларга соғлом турмуш тарзини қарор топтириш, энг яхши миллий-диний анъана ва урф-одатларни сақлаш ва ривожлантириш масалаларида самарали таъсир кўрсатишга қодир фаол аёллар билан тўлдирини таъминласин.

Мазкур ишларнинг туман ҳудудидаги ҳар бир алоҳида маҳалла бўйича бажарилиши учун жавобгарлик шахсан туманлар, шаҳарлар, вилоятлар ҳокимлигига, Қорақалпоғистон Республикаси Вазирлар Кенгашига юклансин. Доимий ишлайдиган комиссия (Ш.М.Мирзиёев) кўрсатиб ўтилган ишларнинг бажарилиш юзасидан қатъий назорат ўрнатсин. Мазкур ишларни жорий йилнинг 1 декабргача тугалласин.

5. Оила, оналик ва болаликни ижтимоий муҳофаза қилиш комплекси (С.Т.Иномова) «Маънавият ва маърифат» маркази (К.А.Аззамов), Дин ишлари бўйича кўмита (Ш.Ш.Миноваров) хотин-қизларни маънавий-ахлоқий тарбиялаш ва уларга таълим беришни кучайтириш бўйича қуйидаги мақсадларга қаратилган чора-тадбирлар дастурини бир ой муддатда ишлаб чиқсин ва амалга оширилишини таъминласин:

маҳаллалар ва қишлоқ аҳоли пунктларидаги хотин-қизлар ўртасида уларни ахборот билан таъминлаш, замонавий ҳаёт тақозо этаётган мутахассисларга ўқитиш ишларини тубдан яхшилаш;

хотин-қизларга диний би-

лимлар ва миллий-диний анъаналар асосларини эгаллашда ёрдам кўрсатиш, хотин-қизларни диний бағрикенглик, барча бошқа диний конфессияларга ҳурмат билан муносабатда бўлиш руҳида тарбиялаш, жамиятда дунёвий ва диний қарашлар қарама-қаршилигига йўл қўймайлик;

диний экстремизм ва ақидапарастлиқнинг мамлакатимиздаги оқсоқилга ҳаёт ва ижтимоий-сиёсий барқарорликни бузишга қаратилган, байроқсони, зарарли гоғларининг жамиятда тарқалишига қарши курашиш.

6. Бош прокуратура (Р.Х.Қодиров) хотин-қизларнинг ҳуқуқлари ва қонуний манфаатларини ҳимоя қилишга қаратилган қонун ҳужжатларига риоя этилиши устидан прокурорлик назорати самарадорлигини ошириш юзасидан аниқ чора-тадбирларни бир ой муддатда ишлаб чиқсин ва амалга оширишни таъминласин.

7. Ўзбекистон Республикаси Адлия вазирлиги (А.А.Полвонзода), Бош прокуратура (Р.Х.Қодиров) Ўзбекистон матбуот ва ахборот агентлиги (Р.Ш.Шогуломов) билан биргаликда бир ой муддатда хотин-қизларнинг ҳуқуқ ва манфаатларини ҳимоя қилиш бўйича Ўзбекистон Республикаси қонунлари, меъёрий-ҳуқуқий ҳужжатлари тўпламини тайёрласин ва нашр этсин.

8. Ички ишлар вазирлиги (З.А.Алматов) «Маҳалла» жамғармаси (А.Г.Гадойбоев), Ўзбекистон ёшларнинг «Қамолат» ижтимоий ҳаракати (Б.Х.Убайдуллаев), жойлардаги хотин-қизлар кўмиталари билан биргаликда 2004 йил 1 августгача бўлган муддатда маҳаллалар, қишлоқлар ва овулларда хотин-қизлар ва ёшлар ўртасида диний экстремизм, ақидапарастлик кўринишлари ва бошқа ҳуқуқ бузилишларининг олдини олиш бўйича ишларни кучайтиришга қаратилган чора-тадбирларни ишлаб чиқсин ва амалга оширишни таъминласин.

9. Ўзбекистон Миллий ахборот агентлиги (М.Х.Ҳазратқулов), «Ўзтелеадио» компанияси (А.К.Қўчиров), Ўзбекистон матбуот ва ахборот агентлиги (Р.Ш.Шогуломов) хотин-қизлар ташкилотларининг хотин-қизлар манфаатлари ва ҳуқуқларини ҳар томонлама ҳимоя қилишдаги ижобий иш тажрибасини, уларнинг фуқаролик жамияти, демократик ҳуқуқий давлат барпо этишдаги тобора ортиб бораётган ролини тарғиб қилишга доир қўшимча чора-тадбирлар кўрсин, хотин-қизларнинг, айниқса, қишлоқ жойларда яшаётган хотин-қизларнинг ҳаётини, кундалик меҳнати ва турмушини кенг ёритсин.

10. Мазкур қарорнинг бажарилишини назорат қилиш Ўзбекистон Республикаси Бош вазир Ш.М.Мирзиёев зиммасига юклансин.

Вазирлар Маҳкамасининг Раиси
И.КАРИМОВ

Тошкент шаҳри,
2004 йил 29 июнь

Алоқа

ЙИРИК
ТЕХНИК ЛОЙИХА

«Шарктелеком» компанияси бугунги кунда қатор чет эл фирмалари билан алоқа боғлаган. Британиядаги «Интел-сат» фирмаси билан йўлга қўйилган ҳамкорлик ҳам республикамизда алоқа тизимининг турли йўналишлари ривожига муҳим ўрин тутди.

Ўзаро келишувга мувофиқ компания ва фирма мутахассислари янги замонавий техник лойиҳаларни амалга оширадilar. Узоқ масофалардан туриб видеоанжуманлар ўтказишнинг техник негизлари яратилган ҳам киришилди.

Бундай йирик техник лойиҳа мамлакатимизда ҳукуматларро турли вазирлик ва идораларро видео конференциялар ҳамда анжуманлар ўтказишнинг йўлга қўйиш имконини беради.

АХБОРОТ
ЖАМИЯТИ САРИ

Интернет ва бошқа ахборот воситалари орқали давлат бошқаруви ҳамда фуқаролар ўртасидаги алоқани ташкил этиш давра талабига айланиб қолди. Ана шу жараён «Электрон ҳукумат» деган ибора билан изоҳланмоқда.

Бундай телекоммуникацион ва компьютер технологияларини мамлакатимизда ҳам кенг йўлга қўйиш истиқболлари белгиланмоқда. Хабар берилганидек, «Электрон ҳукумат: Ахборот жамияти сари ривожланиш йўлида» деган мавзуда Тошкентда ўтказилган халқаро конференцияда шу масаланинг муҳим жиҳатлари қўриб чиқилди.

Фуқароларнинг давлат органларига мурожаат қилиш жараёнини осонлаштиришни таъминлашнинг энг қулай воситаси ҳисобланган электрон ҳукуматнинг йўриқномаси лойиҳаси ҳам муҳокама қилинди. Шунингдек, электрон ҳукуматнинг «Давлат - давлатга», «Давлат - бизнесга», «Давлат - аҳолига» йўналишлари бўйича аниқ режалар белгилаб олинди.

ИНТЕРНЕТ -
ХАРИТАЛАР

Бугунги кунда телекоммуникацион бозорида Интернет-хариталарнинг бир неча провайдерлари пайдо бўлди. Интернет тармоғига кириб боришда қулайлик туғдиришда муҳим омил бўлиб хизмат қиладиган бундай ҳаракатларга Ўзбекистонда амал қилинмоқда.

«Сарком телеком» компанияси йўли билан татбиқ этилаётган Интернет-хариталарга бўлган талаб ортиб бормоқда. Компания томонидан тайёрланган бу хил маҳсулотлар халқаро кўргазма орқали ҳам намойиш қилинди.

Компания ҳозир қатор номиналда фойдаланадиган Интернет-хариталарни ҳам сотувга чиқарди.

Акбар АЛИЕВ

Иқтисодиёт

ЗАМОН ТАЛАБЛАРИ ДАРАЖАСИДА

«Ўзэлектроаппарат» корхонасининг сифатли маҳсулотлари нафақат ички бозоримизда, балки хорижий давлатларда ҳам анчайин машхур. Бугунги кунга келиб мазкур корхона «Ўзэлектроаппарат заводи» очик акционерлик жамиятига айлантирилди ҳамда катта миқдордаги хорижий маблағ ҳам киритилди. Ўз акцияларига эга бўлган жамият аъзолари меҳнатлари самарасига ишонч билан ёндошиб, сифатта асосий эътибор қаратмоқдалар.

Ушбу корхонада кўплаб турдаги маҳсулотлар ишлаб чиқарилади, уларнинг сони йилдан-йилга ошиб бормоқда. Асосий маҳсулотларни эса электр ўтказгич қурилмалари ҳамда электрпанеллар, шунингдек, халқ истеъмоли молларини ташкил қилади.

Бозор иқтисодиёти шароити талабларига жавоб беролмай «қийналиб» қолган жамоага 2002 йилда янги ишчан раҳбар бошчилик қила бошлаган, корхонанинг ишлари аста-секин юриши кетди ҳамда ишчи-хизматчиларнинг умумий меҳнатлари туфайли жорий йил бошига келиб, жамият қарзларидан қутулишга эришди.

Корхона тadbirkorлари олиб борган маркетинг тадқиқотлари натижа-сида ички бозоримиздаги харидорлар талаблари чуқур ўрганилди. Шу боисдан ҳам иш тўғри йўлга қўйилди. Масалан, 2002 йилда жамият аъзолари 421 миллион сўмлик маҳсулот ишлаб чиқаришган бўлса, 2003 йилга келиб бу кўрсаткични 2 бараварга кўтаришди

ҳамда у йил охиригача 917 миллион сўмни ташкил этди. Шу орқали корхона ишчи-хизматчиларининг ўртача ойлик иш ҳақлари 58 минг сўмга яқинлашди, бу 2002 йилдагидан 2 баравар кўпроқлиги эътиборга молик, албатта.

— Корхонамиз Марказий Осиёда ўз соҳасида етакчи ҳисобланади, — дейди жамият бошқаруви раиси Шавкат Каримов. — Республикамизда ягона бўлсак, МДХ давлатларида ҳам бизнинг электр маҳсулотларимиз йирик саноат корхоналари ҳамда қурилишларда қўлланилади. Талаблардан келиб чиққан ҳолда иш юритиб, жамиятимиздаги бўш ётган маблағни ишлаб чиқаришни ривожлантиришга йўналтириш асосида яхши натижаларга эришмоқдамиз.

Жумладан, корхонада олинган фойда 5,7 миллион сўмдан (2002 йилда) 66,0 миллион сўмгача (2003 йилда) кўтарилгани қувонарли ҳолдир. Жорий йилнинг I чорагида жамоа аҳли халқ

истеъмоли моллари ишлаб чиқариш бўйича режани 108 фоизга бажарди. Буюртмачиларни корхонанинг сифатли, чидамли ва ишлатишда қулайлиги билан харидорғир бўлган маҳсулотлари ўзига жалб қилади. Бундан ташқари уларнинг тайёрланиш муддатлари ҳам миқдорларни мамнун қилмоқда. «Ўзнефтогаз» Миллий холдинг компанияси, Ўзбекистон Республикаси Энергетика вазирлиги каби давлат ташкилотлари корхонанинг йирик буюртмачиларидан ҳисобланади.

Корхонанинг асбобсозлик цехида бугунги кунда кўплаб янги маҳсулотлар яратилиб, ишлаб чиқаришга татбиқ қилинмоқда. Масалан, электрўтказгичли рубильник, 60 ва 100 амперли юқори кучланишли электрпредохранителлар шулар жумласидандир. Шунингдек, корхонага эскирган дастгоҳ ва ускуналар ўрнига замонавий юксак самарали рақамли дастурий бошқариладиган технологик линиялар ўрнатилди.

Хуллас, корхонада ишлар қизгин кечмоқда. Жамоанинг тadbirkorлари замон билан ҳамнафас қадам ташлаган ҳолда иш ўрнатмоқдалар. Янги хорижий линияларга таянган ҳолда жамият аҳли эзгу мақсадларни қўзғаб, изланишда давом этмоқда. Бу каби корхоналар юртимизнинг иқтисодий салоҳиятини кўтаришга салмоқли ҳисса қўшаверадилар.

Муҳаббат ҲАБИБУЛЛАЕВА

Мақола

МИЛЛИЙ
МУСИҚА ОҲАНГЛАРИ

Ўзбекистон Давлат консерваториясида ўн кундан буён ўтказилаётган «Ўзбек миллий чолғу ижрочиларининг II Республика кўрик танлови» бугун ниҳоясига етди. Тадбирнинг асосий мақсади миллий музика санъатининг юксак намуналарини асосида ёшларнинг ижрочилик даражасини янада ўстириш, касб маҳоратларини ошириш, уларни қўллаб-қувватлаш, истеъдодли ёш созанда - ижрочиларини кашф этишдан иборат. Танловда Қорақалпоғистон Республикаси, Тошкент шаҳри ва барча вилоятлардан иқтидорли музикасевар ёшлар иштирок этмоқда.

— Ўзбекистон Давлат консерваториясида бўлиб ўтаётган танловда 100 дан зиёд қатнашчи иштирок этапти, — дейди Ўзбекистон Республикаси Маданият ишлари вазирлигининг Фан ва ўқув юртлари кадрлар тайёрлаш бўлими бошлиғи Ўрозали Тошматов. — Ушбу тadbirkor ҳар тўрт йилда бир маротаба ташкил этилиб, унда 35 ёшгача бўлган ёш созанда ижрочилар, театр-концерт ташкилотлари ва бадий жамоалар созандадир. Республика маданият ва санъат, таълим муассасаларининг ўқитувчи, талаба ва ўқувчилари қатнашади. Танлов уч йўналиш ва уч босқичда ўтказилиб, дамли урма торли ва урма зарбли чолғулар, торли чертма ва мезробли торли чолғулар, камонли торли чолғуларда музикалар ижро этилади.

Танлов шартларига биноан Ўзбекистон бастакорлари ижодидан, жаҳон ва ҳамдўстлик давлатлари бастакорлари асарлари, дунё мумтоз бастакорларининг йирик асарлари, ўзбек халқ музикаси, моҳирона ижро техникасига оид асарлардан намуналар, бастакорлик ижодидан намуналар, яқанавоз тарзда, оркестр жўрлигида ижро этилмоқда. Танлов қатнашчилари пойтахтимизнинг гўзал жойларида бўлиб, устоз санъаткорлар,

таниқли созанда ижрочилар билан ижодий мулоқотда, давра суҳбатларида иштирок этишмоқда. Жумладан, Темурийлар тарихи Давлат музейи ва Ўзбекистон Давлат санъат музейида қизиқарли санъат асарларидан баҳраманд бўлишди. Шунингдек, танлов ниҳоясида ғолиблар ва соvrиндорларни тақдирлаш маросими ва катта концерт дастури намойиш этилади. Ўйлаймизки, аввало танлов иштирокчилари катта тажриба мактаби билан ошно бўлиб, дўст орттирадилар, гўзал жаҳон ва ўзбек музика санъатидан иборат куйлардан баҳраманд бўладилар.

Маълумки, республикамизда ёш истеъдодлар асосан фортепиано, скрипка, пуфлама чолғулар бўйича халқаро танловларда иштирок этишади. Назаримда миллий чолғулардан иборат халқаро танловлар ташкил этиш учун бизнинг республикамизда жуда катта имкониятлар бор. Керак бўлса ҳар қандай мамлакат музикачиси билан тенглаша оладиган истеъдодлар мавжуд. Биз ана шундай танловларни ташкил этсак, миллий музикамиз ривожига ҳисса қўшиш билан бирга, бошқа давлатларга унинг жозибали, сеҳрли оҳангини етказишга эришган бўлар эдик...

Мухтасархон КАРИМОВА

Оила муқаддас гўша. Қачонки оилалар тинч ва хотиржам, болаларимиз соғлом ва дурқун бўлса, жамиятимиз пойдевори шунчалар мустаҳкам ва бақувват бўлади. Чунки Ватан оиладан бошланади.

Фармон ижроси йўлида

ДОПЗАРЬ
МАВЗУДАГИ АНЖУМАН

Кеча Тошкент шаҳар ҳокимлигида Ўзбекистон Республикаси Президентининг «Ўзбекистон хотин-қизлар кўмитаси фаолиятини қўллаб-қувватлаш борисадаги қўшимча чора-тадбирлар тўғрисида»-ги Фармони ижросини таъминлаш мақсадида «Оналар ва болалар саломатлигини муҳофаза қилиш ва уни яхшилаш» мавзусида илмий-амалий анжуман бўлиб ўтди.

Уни Тошкент шаҳар ҳокимлиги, шаҳар хотин-қизлар кўмитаси, Ўзбекистон Республикаси Соғлиқни сақлаш вазирлиги Педиатрия илмий-текшириш институти ҳамда Тошкент шаҳар Соғлиқни сақлаш бош бошқармаси ҳамкорликда ташкил этилди. Мазкур анжуманда Тошкент шаҳар ва туман хотин-қизлар кўмиталари ва маҳалла хотин-қизлар комиссиялари раислари, шаҳар ва туман «Оила» марказлари вакиллари, туғруқ мажмуалари болалар шифохоналари ва оилавий поликлиникалар бош шифокорлари иштирок этидилар.

Анжуманни Тошкент шаҳар ҳокими ўринбосари, шаҳар хотин-қизлар кўмитаси раиси Фарида Абдурахимова кириш сўзи билан очиб, бугунги кунда болалар саломатлигининг аҳволи ва уни яхшилаш борисада амалга оширилаётган чора-тадбирлар хусусида тўхталиб ўтди.

Шунингдек, тиббиёт фанлари доктори, профессор Дилбар Маҳмудова «Болалар саломатлигини муҳофаза қилиш ҳамда улар ўртасидаги ўлимни кескин камайтиришда хотин-қизлар ва жамоатчиликнинг роли», Ўзбекистон Республикаси Соғлиқни сақлаш вазирлиги Репродуктив саломатлик маркази директори Дилфуза Ҳасанова «Репродуктив саломатлик ва хавфсиз оналикни таъминлаш масалалари» мавзуларида сўзга чиқдилар.

«Тиббиёт ходимлари билан хотин-қизлар кўмиталари ўртасидаги ҳамкорлик» мавзуси ҳам илмий-амалий анжуманда муҳокама қилинди.

Гулчехра САТТОР қизи

Мардлар кўриқлайди Ватанни

ИСТИҚЛОЛГА ҲАМИША ПОСБОНМАН

Оддий аскар Шерзод Мадатов олий маълумотли посбонлардан. Энг муҳими бу ҳам эмас, аслида. Ҳўғри, маълумот бурчи англашда, соҳа сир-асрорларини тезда ўзлаштириб олишда муҳим. Аммо соҳага ҳавас, қизиқиш билан қарамаса, Ватанга бўлган муҳаббат юракда чўғ бўлиб турмаса бефойда бўлиши мумкин.

Шерзод бугуннинг ёшларидан. Яъни, Мустақиллики мустаҳкамлаш, Ўзбекистоннинг буюк келажаги йўлида нималар қилиш лозимлигини яхши англайди. Масалан, у компьютер илмини пухта билади. Иқтисодий ислохотлар моҳиятига тушунади. Дарвоқе, у Тошкент Давлат иқтисодий университетини тугатган-да. Бунинг устига бир оз муддат халқ банкида масъул вазифада фаолият юритган. Иқтисодни яхши англайди, деганда шуларни ҳам назарда тутаямиз. Мана, энди Куролли Кучлар сафига келиб, қисқа муддат ичида армиямиздаги ислохотларни англаб бугуннинг талабидоғи аскар бўлишга ҳаракат қилмоқда.

— Профессонал асосдаги армияни шакллантириш биз посбонлардан ҳам улкан масъулият талаб этади. Аввало бурч тушунчасини англашимиз керак. Қолаверса, посбон бугунги ҳарбий-сиёсий вазиятнинг идор эгиб, ўз вазифаларига киришиши лозим. Аскар маънавияти ҳақида кўп гапирилмоқда. Маънавияти юксак ҳарбий Ватан тушунчасини, ватанпарварлик ғоясини теран англайди. Буюк ажлодлари кимлар эканли-

гини, демакки, кимнинг ворислари эканлигини ҳис этади. Сафдош дўстларим билан кўпинча шу мавзуда мулоҳазалар юритамиз, — дейди оддий аскар.

Лавҳамиз қаҳрамони пойтахтнинг Яқкасарой туманидан. Ҳадемай тугилган куни, 24 ёшини қадрдон жамоасида нишонлайди. Муддатли ҳарбий хизмати эса Истиқлол байрами олдида ниҳоясига етади. Демак, ёзи ўқув мавсумида жанговар шайлиги даражасини кўрсатишга бир оз бўлса-да муддат бор.

Олий маълумотли аскарнинг дунёқараши кенг. Ҳарбий соҳадаги билим, кўникмалар билан эса фикрлаш доираси янада кенгайди. Бунда устозлари подполковник Инъом Тўйчиев, майор Улашбой Сиддиқовларнинг хизматлари бисёр.

— Ҳарбий ҳаёт менга кўп сабоқлар берди. Ватан йўлида, Мустақиллик йўлида ёниб яшаш, тинчлик, осойишталикни ҳимоялашга ўргатди. Хизматни тугатиб, ўз ишмини давом эттирсам-да, мен мустақиллик посбони бўлиб қолавераман, — дейди оддий аскар Ш.Мадатов.

Ҷўшқармиз қўшнлари фикалига тайёрларлик

ҲАРБИЙ СПОРТЧИЛАРНИ КАШФ ЭТИБ

Умумармия ўйинларининг якуний босқичи июль ойида пойтахтимизда ва Чирчиқ шаҳрида бўлиб ўтгани кўзда тутилган. Айни пайтда бу нуфузли мусобақанинг финал беллашувларига тайёрларлик жойларда кизгин тус олган. Яқинда хизмат сафари билан Чирчиқ олий танк кўмондонлик-муҳандислик билим юртида бўлганимизда бунга яна бир бор амин бўлдик.

Билим юрти жисмоний тарбия кафедраси бошлиғи майор Хусан Кўчқоров биз билан суҳбатда, жумладан, шундай деди:

— Миллий кураш бўйича имкониятларимиз ёмон эмас. Курашчиларимиз подполковник Александр Фармонов мураббийлигида якуний босқич мусобақаларига жиддий тайёрланишмоқда. Спортнинг айнаш шу тўридан билим юртида ўтказилган беллашувда 60 килограмм вази тоифасида кураш бўйича спорт усталигига номзод оддий аскар Отабек Остонов биринчи ўринни қўлга киритди. Шунингдек, 73 килограмм вази тоифасида курсант А.Жўраев, 90 килограммгача вазида курсант К.Иброҳимов, 100 килограммгача вазида Ўткир Саломов ғолиб бўлди. Оддий аскар Саломов ҳозирда шартнома бўйича хизматини давом эттираяпти. Ундан умидимиз катта. Негаки, у миллий кураш бўйича мамлакатимиз терма жамоасининг ҳам вакили ҳисобланади. Ўткир Куролли Кучлар ўртасидаги жаҳон чемпионатида муваффақиятли катнашган, 2003 йилда бешинчи Марказий Осиё ўйинларида дэюдо бўйича ўз вази тоифасида олтин медални қўлга киритган. Яқинда Қўзғоғистонда бўлиб ўтган халқаро мусобақада ҳам муваффақиятли иштирок этди. Бундан ташқари, шартнома бўйича хизмат кичик сержанти, халқаро

тоифадаги спорт устаси Рустам Юсупов ҳам ишонган тоғларимиздан. 100 килограммдан ортиқ вазида у миллий кураш бўйича биринчилигини қўлга киритди. Ахир, бу спортчимиз ҳам Куролли Кучлар ўртасидаги жаҳон чемпионатида, халқаро мусобақаларда бежиз қатнашиб келмаёпти-да.

Қўл жанги бўйича ҳам билим юрти спортчиларининг тайёрларликлари талаб даражасида. Буни билим юртида бу борада ўтказган мусобақамиз, ўқув-тайёрларлик йигини ҳам кўрсатди. Муайят бўйича спорт устаси курсант Жаҳонгир Фуломовнинг имкониятларини таъкидлаб ўтган бўлардим. 65 килограммгача бўлган вази тоифасида у билим юрти чемпиони бўлди. 70 килограммгача бўлган вази тоифасида қўл жанги беллашувлари спорт усталигига номзод оддий аскар Темура Расулматовнинг олдида тушадигани топилмади. Шунингдек, 75 килограммгача бўлган вази тоифасида курсант К.Эшонкулов, 81 килограммгача вазида курсант, кичик серпикантда муваффақиятли катнашган, 2003 йилда бешинчи Марказий Осиё ўйинларида дэюдо бўйича ўз вази тоифасида олтин медални қўлга киритган. Яқинда Қўзғоғистонда бўлиб ўтган халқаро мусобақада ҳам муваффақиятли иштирок этди. Бундан ташқари, шартнома бўйича хизмат кичик сержанти, халқаро

йўриқчилар кўмитадан келишиб, спортчиларимиз билан мунтазам машғулот ўтказишди. Тош кўтариш беллашувида ҳам таъкидласа арзийдиган ютуқлар бўлди. Айниқса, курсантлар - Шертоев (60 килограмм вазида), Ёқубов (70 килограмм вазида), Ибрагимов (60 килограмм вазида), Темиров (90 килограммдан юқори вазида)ларни айтиб ўтган бўлардим. Умид қиламанки, улар якуний босқичда билим юртимиз шаънини муносиб ҳимоя қилади.

Офицерлар учкурашида подполковниклар - Сайдулло Эргашев, Шўҳрат Усмонов, майор Дилшод Шериев, капитанлар - Ярослав Распучкин, Евгений Мишутин, лейтенант Отабек Шерматовлар муносиб қатнашишди. Айни пайтда улар якуний босқичга тайёрларлик тадоритида.

Кафедра бошлиғининг фикрларига қўшимча сифатида шуни айтмоқчи эдимки, айнан офицерлар учкураши беллашувиди 2003 йилда билим юрти вакили лейтенант Геннадий Пиденжон У.Йўлдошевлар биринчи ўринни қўлга киритишиб, ҳозирда умумармия ўйинларининг якуний босқичига жиддий тайёрланишпти. Шу ўринда таъкидлаш бўлди ўшунчаки, Чирчиқ шаҳар жисмоний тарбия ва спорт кўмитаси билан ақиндан ҳамкорлик ўрнатганимиз. Қўл жанги бўйича тажрибали мураббийлар,

Омон САФОВ

Бугун Ўқтам разведкачилар бўлинимасида хизмат қилапти. Мазкур жамоага ҳаммани ҳам қабул қилишавермайди. Аввало бўлинимда жанговар тайёргарликларнинг масъулияти юки ўзгача. Доимо жанговар шай ҳолатда бўлиш, тез-тез тактик ўқув машғулотларига чиқиб, кўникмаларини мустаҳкамлаш талаб этилади. Бунинг устига энг замонавий қурол-аслаҳалар билан ишлашга тўғри келади. Бу посбондан юксак билим талаб этади.

Ўқтам жисмонан чиниққан йигит. Айниқса, енгил атлетикага қизиқиши баланд. Ҳатто ортда қолган мавсумнинг синов машғулотларида 10 километрлик масофага ўзига тегишли қурол-аслаҳалар билан югуриш марши ўтказилганда, намуна кўрсата олди. Дунёқараши кенг, интеллектуал даражаси юксак бўлгани учун ҳам уни гуруҳ командирининг ўринбосарлигига тайинлашди.

Ўқтам билан учрашганимизда, гуруҳ командирини бўлмагани учун унинг вазифасини ҳам у вақтинча бажараётганини билдик. Хўш, эплай олаётимиз, дейсизми? Таъкидлаш жоизки, аввало унда етакчилик қобилияти кучли. Айтадиган фикрига қўл остидагиларни ишонттира олади ва ортидан эргаштиради.

— Халқаро терроризм, диний экстремизм хавфи, унинг оқибатлари борасида машғулотлар, суҳбатлар ўтказиб турамиз. Президентиимизнинг яқинда чоп этилган «Ватанимизнинг тинчлиги ва хавфсизлиги ўз куч-қудратимизга, халқимизнинг ҳамжиҳатлиги ва буюкмас иродасига боглик» номи китоби

Сержантлар — армиямиз таъғи

ПРОФЕССИОНАЛЛИК САРИ

бўйича ҳам тушунтириш ишлари олиб бориляпти. Айни ўқув мавсумида режаларимизга китобдан келиб чиқадиган вазифаларни ки-

Ўқтам таҳсил ётган мактаб ҳарбий-спорт мусобақасида туманда биринчи ўринни эгаллади. Бу йигит эса мактаби жамоасининг фаол аъзоларидан эди. Ана шундан эътиборан ҳарбийликка ҳавас алангаланди, қалбида. Муддатли ҳарбий хизматга отланди. Бурчин аъло даражада ўтаб, 2000 йилдан шартнома бўйича хизматни давом эттириб келяпти.



Капитан Алижон САФАРОВ

ритдик, — дейди, жумладан кичик сержант. Шартнома бўйича хизматчилар жамланган бу жамоада «Энг илгор мутахассис» талови борасида ҳам муайян ишлар қилинмоқда. Бахорги синовларчи топшириш қисмда етак-

Одатда Ўқтамга ўхшаганларнинг ҳаётини, тақдирини ҳарбийликка боглаганлар деймиз. Демак, соҳанинг қувончи ҳам, дарди ҳам уларники.

ВАТАНПАРВАР

Ўзбекистон — Ватаним маним

КЎШИҚЛАР БАЙРАМИДА

Куролли Кучларимизда «Ўзбекистон — Ватаним маним» қўшиқ танловига ҳозирлик ҳар йили кўтаринки суръатда ўтади.

Яқинда Қоровул қўшинлари ҳарбий жамоаларининг пойтахтимизда бўлиб ўтган саралаш босқичи мусобақасида иштирок этиб, бунга янада амин бўлдик. Полковник Александр Синицин командирлик қилаётган қисм посбонларининг қўшиқ байрамига тайёрларлиги айниқса таҳсинга сазовор. «Ўзбекистон» қўшинининг сўзини ҳам, мусиқасини ҳам шартнома бўйича хизмат кичик сержанти Азим Хўжаназаров ёзган. Ижро бобида ҳам у маҳоратини намойиш этиб, ҳакамлар эътирофига сазовор бўлди. Уни тинглаб туриб, мазкур танловнинг ҳарбийларимиз орасидан санъаткорлар етишиб чиқишига улкан улуш қўшаётганини англаймиз.

Полковник Шукуралли Чиналиев командирлик қилаётган қисмда оддий аскар Масъуд Комилловнинг «Аскар» қўшиғи ижроси кўпчиликка манзур бўлди.

— Қоровул қўшинларига қарашли барча ҳарбий жамоаларда ички босқичини ўтказиб бўлиб, қобилиятли ҳарбийларимизни саралаймиз. Ҳозиргача ўтказилган мусобақалар посбонларимиз орасида санъатга ҳавас эканлигини кўрсатмоқда. Умид қиламизки, вазирилик, республика босқичидаги беллашувларда ҳам ҳарбийларимиз муносиб қатнашишди, — дейди шахсий таркиб билан ишлаш бошқармаси бошлиғи ўринбосари полковник Жасур Мухамедов.

Қўшиқ танлови тарихига назар ташласак, унда қоровул қўшинларидан Тоҳибар Азизова, Мурод Ҳакимовлар муваффақиятли қатнашиб, совринли ўринларга муносиб топилганини кўриш мумкин. Ишонамизки, жорий йилда ҳам натижалар кўнглидагидек бўлади.

Аҳмаджон СОЛИЕВ

Куни кеча ўз йигитлик бурчимни ўтаб, ота-онам, дўстларим бағрига ёруғ юз билан қайтдим.

ЮКСАК МАСЪУЛИЯТ

Ҳарбий хизмат мени қатъиятчи ва бир сўзли бўлишга, она-Ватан, ота-она, яқинларинг қадрига етишга, уларни асраб-авайлашга ўргатди. Ҳаммадан муҳими — ҳар ишда интизомли, бошлаган ишни охирига етказиш, меҳнат-севарлик лозимлигини амалда кўрсатди. Хизматда жуда кўп дўстлар орттирдим, хунаргалладим. Аскарларга яратилган шарт-шароит, таълим-тарбия, ҳар бир ўқув машғулотни мени меҳнат-

да тобланишга, иродали бўлишга ўргатди.

Ватанпарварлик — олий туйғу экани, у кишидан катта масъулият талаб қилишини тушунади. Факат мен эмас, хизматдаги ҳар бир йигит бу нарсани тушуниб олди деб ўйлайман. Чунки сен она-Ватанинг учун кераклигининг, давлат ва жағият томонидан ҳаммиса ҳам-хўрлик ва эътибор кўрсатилаётганини ҳис қилишининг ўзи катта бахт экан. Ай-

ЗАМОНАВИЙ АРМИЯНИНГ ОФИЦЕРИ

Лейтенант Улугбек Бобоев Тошкент олий умумқўшин кўмондонлик билим юртини тамомлаган. Республикаимизнинг нуфузли олий ҳарбий ўқув юртиларидан бири ҳисобланган бу билим даргоҳида ўқиш ҳаммага ҳам насиб этавермайди. Улугбекнинг омади бор экан десак бир оз нотўғри бўлади. Унда ўз мақсадига эришиш учун қатъийлик, тиниб-тинчимаслик, интилувчанлик мужассамлигидан бу обрўли даргоҳда ўқиш бахтига муассас бўлди.

мавсумда ҳам муваффақиятли натижалар кўрсатишга қатъий аҳд қилган. — Хизматда қанчалик ютуқларга эришган бўлсам, устозларимдан миннатдорман, — дейди ёш офицер Улугбек Бобоев. — Тўрт йиллик таҳсил давомида полковник Саркоров Тошбобоев, капитан Шахобиддин Саиджоновлар ҳарбий илм сирларини мукаммал ўрганишимда жонбозлик кўрсатдилар. Ҳарбий қисмда хизматни бошлаган илк

никас, Олий Мажлисининг ўнинчи сессиясида янги тахирдаги «Умумий ҳарбий мажбурият ва ҳарбий хизмат тўғрисида»ги Қонуннинг қабул қилиниши ҳарбий хизмат нуфузининг янада ошишига, катта ўзгариш ва янгиланиш, ҳарбий ислохотларнинг янги босқичга кўтарилишига, профессионал армияни ташкил этишда муҳим аҳамият касб этмоқда. Озодлик самосини бедор кўриклаётган лочинлар бор экан, осмонимиз тинч-осуда, сарҳадларимиз дахлсиздир. Ҳарбий хизматда бўлган ҳар бир йигитнинг юраги мана шу сўзларга ҳамоҳанг уришига ишонаман.

Азиз ШОКИРОВ

ги лозим. Бунинг учун тинимсиз ўз устида ишлаш керак бўлади. Улугбек буни яхши тушунади. Куролли Кучларимизда олиб борилаётган ислохотларнинг тўб моҳиятини теран англай олган ёш офицер сафдош дўстлари билан бу ҳақда тез-тез мунозара қилиб туради. Сафдошлари — лейтенантлар Самандар Ниёзов, Акрам Қосимов, Мирсат Исабобоевлар ҳам ўзи каби ёш офицерлар бўлиб, умид-интилишлари, бурчларига содиқликлари, фидойиликлари билан аҳил ҳарбий жамоанинг муваффақиятини таъминламоқдалар. Улар шаклланаётган миллий армиямизнинг замон талабларига жавоб бера оладилар, энг замонавий қурол-ярроқ ва техникалардан моҳирлик билан фойдалана оладилар, ҳар томонлама етуқликка интилаётган ёш офицерларидир.

Шарафли касб эгаси Улугбек Бобоев хизматни мобайнида Куролли Кучларимиз ривожига катта ҳисса қўшишига биз ҳам ишонамиз.



Бугунги кунда Миллий армиямиз

сафларида соғлом, бақувват,

ақдан тийрак, ҳар жиҳатдан тайёр-

гарликка эга бўлган ватанпарвар,

мард ўғлонлар хизмат қилмоқда.

Сиз суратда кўриб турган йигит-

лар ҳам жанговар техникани пухта

эгаллаш, билим ва кўникмаларини

тобора оширишга интилган ватан

посбонларидир.

Александр МРУЧАК

олган суратлар.



Тарбия маскамарида

ЭРТАМИЗНИНГ МУНОСИБ ДАВОМЧИЛАРИ

Ҳарбий шаҳарчада жойлашган «Қалдирғоч» болалар богчасида ҳарбий хизматчилар фарзандларининг «Хайр, богча!» деб номланган байрам тадбири бўлиб ўтди.

Байрам тадбирини битирувчи Дима Лопатин «Илк бор биринчи синфга» шетри билан бошлаб берди. Дилдора Элбоева, Усмонжон Омонов, Гулшода Бахарова, Шерзод Итолмасовлар қувноқ жуфтлигидан сўнг кичкинтой қизқичилар Мироди Мирҳаатов ва Суннат Ҳамидовларнинг чиқишлари йиғилганларга олам-олам завқ бағишлади.

Тадбирда, айниқса «Бахтли воқеа» ўйини барчани бирдек ҳаяжонга солди. Бу ўйин болаларнинг богчада олган билимлари намойиши бўлди, десак янглишмаймиз. Бир дақиқа давомида кубиклар ёрдамида муқаддас сўзлар — «Ватан — она юртим», «Она — азиз», «Она — улуг зот» ёзилганда меҳмонлар болажонларимизни гулдурас қарсақлар билан олқишладилар.

Тадбирда иштирок этган ҳарбий қисм тарбиячи офицерлари — майор А.Казаков, капитан Д.Бахратов, лейтенант Л.Қудратовлар кичкинтойларни байрам билан самимий қутлашди.

Богча мудираси Л.Васильковская болажонларни тарбиячилар экан, улар тарбиясига бор куч-ғайратини сарфлаётган бир қатор заҳматкаш тарбиячилар ҳақида гапириб ўтди:

— Битирувчиларимиз биринчи синфга ҳисоблаш, ўқиш, ёзишни билган ҳолда борадилар, — деди у. — Бу ҳам бўлса тарбиячилар — Х.Қамолова, Н.Қуломова, З.Эргашева, Ф.Умаровларнинг вазифаларига сидқидилдан, виждонан ёндашишлари туфайлидир. Кичкинтойларимиз сирли мусиқа оламига ҳам ошно бўлишга эришганлар.

Барчага олам-олам завқ бағишлаган байрам тадбирини ташкиллаштиришдаги беғараз кўмакларни учун богча жамоаси подполковник Қаҳрамон Нахшибандиев ва у орқали ҳарбий жамоага ўзларининг самимий миннатдорчиликларини изҳор қилдилар.

Инобат ИБРОҲИМОВА.

Шарқ дурдоналари

Оз-оз ўрганиб
домо бўлавер...

• Келтиришларича, бир олим киши бир золимнинг уйига борди. Унинг мақсади ноҳақ зулмига учраган бир кишининг гуноҳини сўраб олиш эди. Золим қози у олимга:

— Қандай қилиб бу ерга қадам ранжида қилдилар? — деб сўради. Олим бўлган воқеани унга айтди. Қози маъжуси овоз қилиш ҳақида бир нарсга ёзмакчи бўлиб, қалам қидирган эди, олим унинг очилмаган қаламини олиб, пичоқчаси билан тарошлаб берди. Қози ёзиб бўлган, олим халиги тарошланган қаламини олиб, учини сиңдириб ташлади.

— Нега бундай қилдинг? — сўради қози.

Олим унга:

— Бу қалам билан зулм қилиш ҳақида бирор нарсга ёзмагин деб қўқдим. Чунки ёзсанг, мен сенга қалам тарошлаб ёрдам берган бўламан! — деб жавоб берди.

Қозиға олимнинг бу гали қаттиқ таъсир қилди. У ўзининг ёмон ишларидан юз ўгириб, ўйлаб иш тутадиган бўлди. Қози олим ва фозил кишининг бир нафаслик суҳбатидан шунча шараф топди.

• Эй одам, бировларга лутф-эхсон қўрсатишининг фойдаси ва ўзгаларга чоҳ қазувчининг ўзи шу чоҳга йиқилиши ҳақида эшит.

Байт:

Кулфат келмасин, деб
хохласанг бошга,
Лутфу эхсон қўрсат
кекса-ю ёшга!

Ҳикоят қилишларича, Мубашшир номли гулом шундай нақл қилган: — Менинг хожам бир кун ибрат хатини Муиз ад-Давлага етказишнинг сўради. У сароғига етиб, ёнига ўтирган ҳам эдики бир киши кириб келди ва Муиз ад-Давлага деди:

— Агар менга фалонча микдорда маблағ берсанг, Носир ад-Давлаги ўлдириб келаман!

У мазкур тақлифни қабул қилди, орада аҳди-паймон қилинди.

Маскур киши узоқ вақт Носир ад-Давла саройи атрофида кезиб юрди, кўпгина харажатлар қилди. Никоят Носир ад-Давланинг сарой ҳодимларидан бири билан танишишга муваффақ бўлди. Ходим билан бирга Носир ад-Давланинг иморат ва қасрлари орасида сайр қилди. У эсимдан Носир ад-Давланинг тундирган жойи ва унга қирладиган йўллари билан бўлиб олди. У қоронғи тунларнинг бирида Носир ад-Давла ётадиган уйнинг яқин жойига яшириниб олди. Носир ад-Давланинг бир хизматкори бўлиб, у доимо ўз хожасининг боши томонига ётар эди.

Тун яримлаб қолганда қаср тагидан бир дарвешнинг: «Эй, бедор киши борми, ночорликдан ярим кечда уйдан чиқдим, бола-чакам оч, икки кундан бери овқат ейишгани йўқ!» — деган овози эшитилиб қолди. Носир ад-Давла бу сўзларни эшитиб, юраги титраб кетди, ириб ўрнидан турди, ҳатто киими уйғотмай, болиши остидаги бир неча дихрамни олиб томага чиқди ва дарвешга:

— Эй дарвеш, этакингни оч! — деди.

— Уст-бошим йўқ! — деб жавоб қилди дарвеш.

Носир ад-Давла дарҳол устини ечди, пулни унга ўраб, дарвешга ташлади. Дарвеш унга: «Умринг узоқ бўлсин, бараканг оқсин!» — деганича дуо қилиб кетди.

Носир ад-Давла турганида уни ўлдирishi қасдида юрган киши фурсатни ганимат билиб уйга кирди ва ухлаб ётган ҳодимни Носир ад-Давла деб ўтган қилиб, бошини танидан жудо қилди. Носир ад-Давла тоддан астагина тушиб уйга кирган ҳодимни ўлиг ҳолда қўлди.

Қотил эса дарҳол Муиз ад-Давла олдида ётиб борди ва айтилган одамининг ўлдирилганини билдирибди. Аммо, бир неча кун ўтган, унинг тирик эканлиги ҳақида хабар тарқалди. Муиз ад-Давла қотилни топдириб, дорга осилишга фармон берди. Бу воқеадан хабар тогган Носир ад-Давла ўзининг ўлимидан қолгани дарвешга яхшилик қилиш учун чиққанидан ажабини аниглади.

Лекин дунёда яхшиликни, тинчликни кўролмайдиган шундай ёвуз кучлар ҳам борки, ҳозирги кунда у терроризм балоси бўлиб бутун дунёга ташвиш келтирмоқда, илғор, тинчликпарвар одамларни ташвишга солмоқда. Бугунги кунда бутун дунёда содир этилаётган воқеа-ходисалар терроризм жой танла-маслиги, ҳеч бир миллат, ҳеч бир давлат унинг босқинчилиқ таъжовузидан четда қолмаслиги, кишилар бошига ҳисобсиз бало-қазоларни ёғдираётгани инсонларни унга қарши ақдид бўлиб курашиш, соғлом ғоялар атрофида бирлашиш, тинчликни сақлаш учун ҳамisha оғох ва хушёр бўлиш лозимлигига чақирмоқда.

Бунинг учун маҳаллада, кўчада ва бошқа жойларда турли уйдирмалар, варақалар таркатаётганларни қўриб қўрмасликка олмайлик, менга дахли йўқку деб ўйламайлик, тинчлик ўз-ўзидан бўлаверади деган содда ва сохта тасаввурга бермайлик, қўшнимизнинг уйда босқин-

ОГОҲЛИК —
МУҚАДДАС БУРЧ

Тинч ва осуда осмон остида, беташвиш, бежавотир, ҳалол меҳнат қилиб фарзанд тарбиялаётган, эртасининг нузли кунлари, орзу-умидлари билан яшаётган ҳар бир инсоннинг дилида биргина эзгу ният бўлади — у ҳам бўлса тинчлик ва хотиржамликда яшаш, умид билан ўстираётган дилбандларининг камолини кўриш. Бу албатта маърифатпарвар, тинчликпарвар инсонларга хос фазилатлардир.

чилиқ ёки ўғрилиқ содир этилаётганини қўриб индамай туравермайлик, чунки улар эртасига бизнинг хонадонимизга келмаслигига ҳеч ким кафолат бермайди.

Манфур кучларнинг ўз бузғунчи ғоялари билан фарзандларимизни ўз ота-онасига, халқига, Ватанига душман қилиб қўйишга томошабин бўлиб турмайлик, фарзандларимизнинг қачон, қаерда ва қимлар билан бўлаётгани, нима ишлар билан машғуллигидан хабардор бўлайлик.

Ахир Юртбошимиз ҳам ик-

кинчи қақирок Олий Мажлиснинг ўн тўртинчи сессиясидаги маърузаларида: «Мана шундай лоқайдлик ва бепарволикни кўрганда, одам беихтиёр ёниб кетади, эй, одамзот, кўзингни оч, Ўзбекистонни вайронага, халқимизни қулга айлантирмоқчи бўлганлардан, болаларимизни алдаб, уларни ўзимизга қарши қайраб юрганлардан оғох бўл, деб ҳайқирганис қолади» деб бекорга ёниб гапирмадилар.

Мен ўз фикримни мухтасар қилиб айтидиган бўлсам, тинчлик — Оллоҳ-

нинг буюк неъматидир, орзу-умидларимиз рўёбга чиқшининг кафолати. Шундай экан ҳар бир юртдошимиз онгига, шуурига «тинчликни сақлаш фақат хавфсизлик идораларининг иши» деган фикр эмас, балки «мен ўзим нима иш қиламан, юрт осойишталигига ҳисса қўйишга тайёрманми?» деган ўй-фикр, қатъий мақсад бўлиши керак. Шундагина тинчликка ҳаф солаётган кучларнинг пайи қирқилади, «сичқоннинг ини минг танга бўлиб» қочгани жой тополмай қолади. Президентимизнинг «Биз ҳеч қимдан кам эмасмиз, кам бўлмаймишам» деган руҳимизни кўтарувчи сўзларини юрак-юрагимизга жойлаб, бошимизни баланд кўтариб юришга ҳақли бўлган элнинг фарзандлари эканлигини ёдда тутиб яшайлик.

Асатилла ҲИҚМАТОВ,
жиноят ишлари бўйича
Шайхонтоҳур туман
суди раиси.

АВСТРИЯГА —
ТАЖРИБА АЛМАШИШ УЧУН

Республикамиз касб-хунар коллежлари ўқитувчиларидан ташкил топган хайъат Австриядаги альтернатив қувват манбаларидан фойдаланиш соҳаси учун мутахассислар тайёрловчи қатор институт ва касб-хунар мактабларида бир ҳафталик танишув сафарида бўлиб қайтди.

Австриянинг Гюссинг шаҳрида жойлашган Европа қайта тикланувчан энергия марказида меҳмонлар учун махсус интенсивс ўқув машғулоти, тематик анжуманлар, ўзаро тажриба алмашув тадбирлари ташкил этилди, ҳамкорликни ривожлантириш бўйича режалар белгиланди.

Мулоқотлар натижасида Австрия ҳукумати имтиёзли кредитларини жалб этиш орқали мамлакатимиз қатор касб-хунар-техник коллежларини электротехника ва қуёш энергияси соҳасида махсус ўқув-услубий ва тажриба

ўтказиш усуналарини билан таъминлаш бўйича қўшма дастурларни ишлаб чиқиш ва лойиҳаларни амалга оширишга оид келишувга эришилди.

Илк лойиҳаларни ҳаётга тадбиқ этиш Ўзбекистонда тез орада қуёш энергияси ёрдамида электр қуввати ҳосил қилиш ва иссиқлик билан таъминлаш тизимларини йиғиш, сошлаш, фойдаланиш ва таъмирлаш бўйича мутахассислар тайёрлашни бошлашга имкон яратяди.

«Жаҳон» АА

МОЛИЯВИЙ МУАССАСАЛАР ФАОЛИЯТИ

Халқ ҳўжалигида молиявий муассасалар секторининг ўрни каттадир.

Молиявий корхоналар ўз зиммасига аниқ мажбуриятни олиб, бошқа бир бирликдан пул олади ва уларни молия бозорларида нафақат юқори даражадаги самара билан ишлатади, балки ундан даромад ҳам олади. Улар кредитор ва омонатчи ўртасида воситачилик қилади, яъни бирининг маблағини иккинчисига йўналтирилади ва бу жараёнда ўз зиммасига таваккалчиликларни олади. Бунда у ўзининг маълум миқдорда маблағини депозит қабул

қилиш ва облигация ҳамда бошқа қимматли қорғазларини чиқариш билан жамлайди.

Молиявий воситачилар турли хил хизматлар қўрсатади. Валюта алмаштириш, мижозларнинг ҳисоб варақларини юритиш, инвестиция бўйича маслаҳат шулар жумласидандир.

Молиявий муассасаларнинг фаолияти юритиш доираси кенг бўлганлиги сабабли у бир қанча кичик секторларга бўлинади:

— турли хил банклар;
— молиявий ёрдамчи корпорациялар — фонд биржалари, брокерлик ташкилотла-

ри; — сугурта корпорациялари.

Молия бозоридagi операциялар молия муассасалари воситасида амалга оширилади.

Молиявий муассасаларнинг даромад қисми унинг фаолиятидан келиб чиқадиган манбалардан ташкил топади. Яъни сугурта бадаллари, банк операцияларидан қўриладиган даромад, биржа аъзоларининг кирим бадаллари шулар жумласига киряди.

Индир МУРОДОВА,
Тошкент Молия институти
талабаси.

ЁШ
КУРАШЧИЛАР
КЛУБИ

Кейинги беш йил ичида ўзбек миллий кураш кенг оммалашиб, халқаро доирада танилди. Мамлакатимизда Миллий кураш академиясининг ташкил этилиши ҳам айни муддао бўлди.

Бу академия саъй-ҳаракати билан спортнинг ушбу турини янада ривожлантириш тадбирлари қўрилмоқда. «Олимпиада ўйинлари дастурига миллий курашни киритиш учун» деган мавзуда уюштирилган ўқув семинари халқ таълими ходимлари учун махсус ташкил этилди.

Унда академия президенти Норкул Ўсупов «Миллий курашнинг ривожлантириш истиқболлари» деган мавзуда маъруза қилди.

Айни вақтда умумтаълим муассасаларида спортнинг бу турини кенг йўлга қўйиш тадбирлари белгиланди. Эндilikда мактабларда Миллий кураш машғулотлари учун алоҳида соатлар ажратиладиган бўлди.

Янги ўқув йилидан бошлаб ҳар бир мактабда ёш курашчилар бурчаги ва клуби очилди. Уларда ўғил болалар билан бирга ўқувчи қизлар ҳам қатнашадилар.

Ақбар Йўлдошев

Мулоҳаза

ИЛИҚ ВА ЁҚИМЛИ
МУНОСАБАТ БЎЛСА...

Болаларда қўрқувга мойиллик кучли бўлади. Улар қоронғидаги соя, турли шарпалардан, тепаликдан пастга қараганда ёки эртақларда тасвирланган алавлости, жин, ажиналардан жуда қўрқади. Уларни ўйлаб беркинишга, узоқлашишга ҳаракат қиладилар.

Болаларда қўрқоқлик ҳислари қандай пайдо бўлади? Бунда ота-оналар, оиладаги катталар, тарбиячилар, ўртоқлари сабабчи бўладилар. Тусатдан овоз чиқариш, беҳосдан эшикни очиш, турли нарсалар ҳақида ноҳуш воқеа-ходисаларни айтиш жараёнида боланинг бош миёсида қўрқувга мойиллик пайдо бўлади ва у борган сари кучайиши ва доимий ҳолатда бўлиши мумкин. Бу касаллик бўлиб, уни тиббиётда «хобия» дейилади.

Хобия касаллиги баъзан катта кишиларда ҳам учрайди. Каттиқ ҳаяжонланиш, ўз-ўзини идора қила олмаслик, турли нарсаларга, инсонга ишониш, таҳмин қилиш каби ҳолатларда тана аъзоларида кескин ўзгариш пайдо бўлиб, инсон ёмон ҳолатга тушиб қолади. Атрофда бўлаётган воқеа-ходисалар унга ёмон

таъсир эта бошлайди, у доимо таҳликада бўлади. Худди уй босиб қолаётгандек, ёки илон келиб унинг бўйинини бўғайгандек, ёхуд шифтдаги ўғримчак гўё қатталашиб, унга ҳамла қилаётгандек, қоронғиликда қимдир тургандек туюлаверади. Бундай ноҳуш ҳолат киши тана аъзолари, юрак, асаб, қулқ, кўзга таъсир қилиб, бошқа касалликларнинг келиб чиқишига сабаб бўлади.

Болаликдаги қўрқув, у улғайган сари ривожланиб боради ва ёмон асорат қолдиради. Бола иродасиз бўлиб қолади, саломатлиги ҳам ёмонлашади.

Қўрқувни енгиш мумкинми? — деган савол тугилиши табиий. Дунё олимлари томонидан кўп изланишлар олиб борилмоқда. Лекин руҳшунослар қўрқувни енгиш мумкинлигини,

болани ишонтариш, яъни у ўйлаб турган нарсани, албатта жин йўқлиги, илон, қора ўғримчак унга ҳеч ҳамла қилмаслиги, атрофдаги барча нарсалар инсонга дўстлиги ҳақида мисоллар айтиш, ривоятлар сўзлаб бериш, яъни нарсаларни, расмларни, мультфильм ва кинофильмларни кўрсатиш, кўнглини хотиржамлаш, даҳшатли фильмларни кўрсатмаслик, баланд товушлардан йироқ тутиш, кун тартибига риоя қилишни одат тусига киритиш, очик рангли нарсаларга эътиборини тортиш каби дарслар уларни тинчлантиришини айтидилар.

Халқимизда «Қўрқанга қўша қўринар» деган нақл бор. Бунинг боиси, бола қоронғиликда турган одам ёки даракнинг соясини ҳам илғайди. Унинг вужудини титроқ босади, ҳатто теъда тер босади. Қўз қорачини қатталашади, гапира олмай дудуқланади. Дудуқланиш касали асосан қўрқувдан пайдо бўлади.

Болалар учун тавсия этиладиган бадиий китоблар, дарслик ва қўланмаларга киритилган ҳар бир асарини «Етти ўнлаб бир кес» мақолига амал қилган ҳолда киритиш мақсадга мувофиқдир. Бола ҳаммаша эркин, қувноқ бўлиши учун унга муносабат илиқ ва ёқимли бўлиши керак. Бу ўринда ҳурматли педагоглар, тарбиячилар ота-оналар билан ҳамкорлик қилиб, болаларни соғлом ўсиб, ўлғайишларини таъминлашлари керак.

Қумри АБДУЛЛАЕВА,
педагогика фанлари доктори,
профессор.

Маснаҳатлар

ХУСН КЎШИБ
ЧЕХРА ОЧАДИ

Илм-фан ниҳоятда ривожланган ҳозирги пайтда аксарият қиз-аёллари миз сунъий, кимёвий воситалар билан ўзларига кўрк бағишлаш иштиёқида бўладилар. Ваҳоланки, кимёвий воситалар кейинчалик ўзининг асоратлари билан кишини жабрлаб қўйиши ҳам мумкин. Табиий омиллардан ўз ўрнида фойдаланиладиган бўлса, олам гулистон.

Кўхна замонлардан бери аёллар хусн бахш этувчи воситалар қаторига ўсма, хина, заъфарон, гулобни сингари омиллар киритишар, сурмадан табиркорона фойдаланишар эди.

• Вақти-вақти билан юз сатҳини қайнатилмаган сут билан артиб туриш тери хужайралари озикланишининг яхшиланишига сабаб бўлади, юз терисини латифлаштириб, кўркам тус олишига ёрдам беради. Бундай амалдан фойдаланганлар руҳсори гулгун бўлиб, ёшарандек бўлади.

• Юз терисининг дағаллашишида тухум сариги, бир чой қошиғида асл асал ва шунча микдорда глисерин (дорихоналарда мавжуд) ўзаро аралаштирилиб юзга ниқоб сифатида фойдаланиб, сўнгга юз териси илиқ сув билан ювилса, у равшанлашади.

• Карьяфе («петрушка»)нинг сархилдан чамаси 20 грамм олиб 500 грамм қайноқ сувга солинган, озги ёпилади. Орадан 1 соат ўтган, дамлама сузиб олинади-да, кунига бир неча бор суюқлик билан юз артилиб турилади.

• Яллиз баргларида 100 грамм олиб, унинг устига 2 литр қайноқ сув қуйилади. Орадан 20 дақиқа ўтган, дамлама сузиб олиниб, шарбати билан юз ювилади. Шунда юз ёрқин бир тус олиб, жозибали кўринишга эга бўлади.

• Ёғли юз териси учун 100 грамм жамбил ўтидан олиниб, унинг устига 2-3 литр қайноқ сув қуйилиб, 20 дақиқа дамланади. Сўнгга сузилиб шарбати билан юз ювилади. Ёғли тери учун ниқоблардан фойдаланишдан олдин бугли жомининг қабул қилиниши тавсия этилади.

• Майдаланган бодомдан 1 ош қошиқ олиб, унинг устига тенг қисмда мойчечак («ромашка»), аргувон гуллари («цветки липы») —дорихоналарда мавжуд), маржондарахт гуллари ҳамда қарағай дарахти новдалари учидан тайёрланган қайнатманинг қайноқ шарбати қуйилади. Сўнгга аралашмага 1 чой қошиқда ун ва ярим чой қошиқ микдорда асл асал солиб қуюқлаштирилади. Мазкур қорихшани юзга илиқ ҳолда ниқоб қилиб суртилади. Орадан ярим соат ўтган, аввалига илиқ сув, сўнгга совуқ сув билан юз ювилади. Бундай амал ёғли юз терисига тиниқлаштирувчи, ёшартирувчи таъсир кўрсатади.

Доно ХУЖАЕВА,
олий тоифали
доришунос.

«Келдию-кетди» студиясини яхши ниятлар билан иқтидорли кизиқчи ва кино актёри Валижон Шамшиев 2002 йилнинг бошида ташкил этган эди. Студиянинг биринчи фильми «Полосанлик учар» асарини асосида суратга олинган «Қайтмас» бадий лентасини кино муҳлислари севиб томоша қилганди.

Бунда Валижон Шамшиев ва Алишер Навоий номидаги санъат саройи раҳбарияти томонидан ўйлаб топилган ва ишлаб чиқилган «Киноконцерт» дастури яъни санъаткорнинг кино муҳлислари билан яқиндан мулоқотда бўлиши кўл келди. Кейин эса, студияга жалб этилган ёш ижодкорлар билан ҳамкорликда «Такдир зарбаси» бадий фильми суратга олинди.

«Қизилжарлик Эшмат» кинокомедияси эса Валижон Шамшиев продюсерлик қилган иккинчи фильм. Фильмдаги бош ролларни Валижоннинг ўзи ва кино оламига кириб келаётган ёш истеъдод соҳиб Шораҳмон Обидов ижро этишган. Шунингдек, таниқли сўз усталари ва актёрлар Мирзабек Холматов, Матқуб Матқонов, Шукрулло Исроилов, истеъдодли хонанда Умида Мирхамидова, Марям Ихтиёрова, Тамара Ҳазраткулова каби актрисалар санъатдаги иқтидорларини яна бир қарра намойён этдилар.

Фильмнинг асосий мавзусини — «Кичик инсоннинг катта орзулари» десак ҳам бўлади. Валижон талқин этган қаҳрамон ҳаётда омади юришмаган оддий кишлоқ йигити — юраги тоза, кўнгли пок, бениҳоя

соддадил инсон. Унинг болалардек беғубор юрагида оламга сиғмайдиган орзулар жужасам. Ёнидаги кичик дўсти эса унинг ажралмас соясига ўхшайди. Уларнинг орзулари ҳам соддадил кишлоқ

ижодкорлари ва томошабинларнинг фикрлари билан танишдик.

● **Мирзааҳмад ОЛИМОВ, «Ўзбекте-лефильм» студияси директори:**

— Кино санъати жуда ҳам серқирра ва мураккаб жараёни соҳа, инсонларнинг орзу-уйларини, қувонч-ташвишларини, изтироб ва армонларини ишонарли ва таъсирчан қилиб катта экранга олиб чиқиш осон иш эмас. Хусусий студиялар кўпайганидан ва уларнинг турли хил жанрдаги киноларни ишлаётганидан фақат қувониш керак. Валижон Шамшиев серқирра ижодкор, умид қиламанки у ҳали янги-янги киноларнинг дунёга келишига ўз хиссасини қўшади.

● **Валерий ГУСЕВ, сценарий муаллифи:**

— Менимча фильм ёмон чиқмади, биз асосан миллийликка ва оддийликка эътибор қаратдик. Фильмнинг ютуғи шунда бўлса керак. Умид қиламизки фильм муваффақият қозонади.

Ха, мазкур фильмда асосий эътибор оддий ва содда инсон ҳаётига қаратилган. Сўлим ва гўзал кишлоқ табиати эса кишини беихтиёр ўз бағрига қорлайди. Одамлар орасидаги ўзбекона одамийлик ва оқибат кишлоқ чоллари образида аққол тасвирлаб берилган. Меҳр ва мурувват йилида ишланган бу фильмнинг ҳар бир лаҳзасида инсонийлик, меҳр ва шахсга ҳурмат биринчи ўринни эгаллаган.

Ушбу фильм 12 июлдан 8 августгача Алишер Навоий номли санъат саройида намойиш этилади.

Гулчехра ДУРДИЕВА

Мақдунот

ҚИЗИЛЖАРЛИК
ЭШМАТ

Мустақиллик шарофати билан юртимиз кино соҳасида самарали ютуқлар кўлга киритилмоқда. Хусусий киностудиялар ҳам янги-янги киноларни суратга олиб, томошабинлар ҳукмига ҳавола этмоқда. Янгилик бор жойда изланиш, интилиш ва рақобат бўлади. Бу эса ривожланишнинг муҳим босқичи саналади.

инсонлари каби пок ва беғубор. Бошқа санъаткорлар ижро этган образлар, уларнинг дунёқарашлари, ҳулқ-атворлари Чимён ёнбағридаги Қизилжар кишлоғида яшовчи кишлоқ характерига мослаштирилган.

Фильм сценарийси Валерий Гусев (Вали Фози) қаламига мансуб. Бунгача Валерий Гусев «Юлдузингни бер осмон», «Дикқат, мотор» фильмларининг сценарийларини ёзган. Шунингдек, у болалар учун «Кел дўстлашамиз» мультипликацион фильмининг сценарийсини ҳам яратган.

Постановкачи режиссёр Фарид Давлетшин.

Биз фильм тақдиротидан сўнг унинг

«01»

ЁНГИНДАН
ЭХТИЁТ БЎЛИНГ

Мана ённинг иссиқ кунлари ҳам бошланди. Бу даврда ёнғинларнинг бирмунча кўпайиши табиий ҳол. Аммо шунга алоҳида эътибор бериш лозимки, ёнғинлар аксарият ҳолларда фуқароларимизнинг ёнғин хавфсизлиги қоидаларига риоя қилмаслиги оқибатида содир бўлади.

Халқимизда бекорга «Сув балосидан ва ўт балосидан асрасин» деган нақл юрмайди. Ёру дўстлар билан учрашиб қолсак саломатлигини, оиласи тинчлигини сўраб-суриштирамиз. Бироқ тинчлик-осойишталик нақадар олий неъмат эканлигини ҳамма вақт ҳам англаб етасанми.

Лоқайдлигимиз, масъулиятни унутиб қўйишимиз натижасида ёнғин содир бўлса, тинчликнинг қадри билинади. Нима учун биз соғлигимиз ҳақида фақат уни йўқотганимиздан сўнг, тинчлигимиз ҳақида фожа юз бергандагина ўйлашимиз керак? Бор имкониятни ишга солиб, имкон бори-ча сезгирлик билан ёнғин хавфсизлиги қоидаларига амал қилсак бўлмайми?

Жорий йилнинг ўтган 5 ойи давомида Миробод туманида 35 та ёнғин содир бўлди. Ушбу ёнғинларда 1 нафар одам ҳалок бўлди ва 4 та одам тан жароҳати олди. Ушбу ёнғинлардан 39 400 сўм моддий зарар етди.

Миробод тумани Ёнғин хавфсизлиги бўлими сизлардан ённинг иссиқ кунларида ёнғинларнинг олдини олиш мақсадида қуйидагиларга амал қилишини сўрайди.

Жумладан:

— электр ва газ иситиш асбобларидан фойдаланиш даврида ёнғин хавфсизлиги қоидаларига риоя қилинг ва уларни қаровсиз қолдирманг;

— ёш болаларни дам олиш таътилларида уйда ва кўчаларда ёлғиз ва қаровсиз қолдирманг;

— уй атрофидаги қуриган ўт ва шох-шаббаларни ёқиб юборманг;

— уй атрофида ҳар хил ёнғичи қиқинди ва ўтларнинг йиғилиб қолишига йўл қўйманг, уларни ўз вақтида тозалаб тулинг.

Эслатиб ўтамиз, ёнғин хавфсизлиги қоидаларига риоя қилсангиз, ўз хонадонингизда ёнғин келиб чиқишининг олдини олган бўласиз.

Унутманг: ҳар қандай ёнғин — бу йўқотишдир!!!

Равшан ЖЎРАЕВ,
Миробод тумани ёнғин хавфсизлиги бўлими катта инспектори,
ички хизмат майори.

Шахмат ҳаққоналари

БУ ҲАЛИ ЯРМИСИ

Миллий академик театримизнинг атоқли санъаткори, Ўзбекистон халқ артисти Сайфи қори Олимов шахматнинг ашаддий муҳлиси бўлган.

У киши сипоҳ у ёқда турсин, бир пибдасини ҳам унча-мунчага бермайдиган шахматчи эди. Бир куни нима бўлди-ю кетма-кет қурбонлар қила бошлаган. Сайфи ака рақибини рухий жиҳатдан боплаб кетмоқчи бўлди. Бундан ҳайратга тушган рақиб: — Қори ака, ўйинингиз намунача ўсиб кетмасда? — деб сўрайди. — Эй, бу ҳали ярмиси, — деб жавоб беради моҳир санъаткор.

НИМА, ИЮЛЬ
ОЙИДА ҚОР?

Ўзбекистон халқ артисти Яйра Абдуллаева устози Сора Эшонтураева билан тўрт қаватли уйда қўшни бўлиб яшабди. Иккиси ҳам шахмат муҳлиси.

— Бир куни Сора опа: «Яйра, ишларингни қилиб бўлдингми, чиқ бизникига, шахмат ўйнаймиз», деб кўнғироқ қилиб қолдилар, — деб эслайдилар Яйра Абдуллаева. Соат кечки 22 лар эди. Чикдим. Сора олам шахмат донларини териб, ўйнаш учун шай бўлиб ўтирибдилар. Узоқ вақтгача ўйнади. Шахмат ўйнашни роса соғинган эканмиз. Ярим кечада соат 3 ларда уйга чиқиб кетдим. Энди ухламоқчи эдим, телефон кўнғироғи жиринглади.

— Ха, Сора опа.

— Менга қара, сен шиппақдаминг?

— Ха, опа нима эди?


— Қорда қандай қилиб шиппақда юрибсан?

— Вой опа айни чилла, июль ойида қор нима қилади, дейишимни биламан Сора опа: «Яйра, яна бир-икки партия мени ютганингда куз фасли, октябрь ойини эслаб ёмғир шаррос бўлиб ёғапти», деб кўнғироқ қилардим, дея жавоб қилди.


Анвар ИНОКОВ,
шахмат шарҳловчиси

МАҲОРАТИНГИЗНИ СИНАБ КЎРИНГ

1) Икки юришда мот



2) Икки юришда мот!



Спорт

ОМАД КУЛИБ
БОҚДИ

Таиланд ва Шри Ланкада энгил атлетика бўйича «Осиё-2004» Гран при мусобақаларининг биринчи ва иккинчи босқичлари бўлиб ўтди.

Унда мамлакатимиз спортчилари юртимиз шарафини муносиб ҳимоя қилишди. Хусусан, Таиландда Л.Перепелова 100 метрга югуришда голиб чиққан бўлса, 200 метрга югуришда учинчи натижани кўрсатди. Г.Хуббиева эса ҳар иккала спринтерлик масофасида ҳам кумуш нишонларни қўлга киритди. Яна бир спортчимиз А.Журавлёва узунликка сакраш баҳсида иккинчи бўлди.

Шри Ланка пойтахти Коломбо шаҳрида ўтказилган иккинчи босқич Гран при мусобақаларида энгил атлетикамиз юлдузлари Л.Перепелова ва Г.Хуббиеваларга яна омад кулиб боқди. Хусусан, бу гал ҳам Л.Перепелова 100 ва 200 метрга югуришда биринчи ва иккинчи ўринларни банд этган бўлса, Г.Хуббиева шу масофаларга югуришда иккинчи ва учинчи натижаларни кайд этди.

ЖАҲОН
ЧЕМПИОНЛИ-
ГИ ЙЎЛИДА

Энг кучли шахматчиларимиз Рустам Қосимжонов ва Анатолий Барсовларнинг Ливия пойтахти Триполи шаҳрида эркаклар ўртасида ўтказилган жаҳон чемпионатида қатнашаётганликлари тўғрисида хабар бергандик.

Кувонарли томони шундаки, ушбу энг нуфузли мусобақада халқаро гроссмейстер Рустам Қосимжонов қатор галабаларга эришиб ўз аффарли иштирокини давом эттирмоқда.

Жумладан, мохир ҳамшаҳримиз 1/32 финал баҳсида эронлик Мағхалини 1,5:0,5 ҳисобида мағлубиятга учратган бўлса, 1/16 финалда украинлик Иванчук билан 0,5:0,5 ва 1:0 ҳисобида ўйнаб нимчорак финалга йўлланма олди.

Ушбу босқичда ҳам Р.Қосимжонов ажойиб ўйин кўрсатди. Бу гал венгриялик Алмаши спортчимиздан 2:0 ҳисобида мағлубият аламини тоғишга мажбур бўлди.

Нихоят чорак финалда FIDE рейтингда 2652 очко билан 28-ўринни эгаллаб турган Рустам Қосимжонов дастлабки ўйинда Россия вакили Гришукни 1:0 ҳисобида мағлуб этди.

Шу тариқа Рустам ўзининг ҳақли оғзуси—шахмат бўйича жаҳон чемпиони унвонини қўлга киритиш сари дадил ва ишончли одимлар билан бормоқда.

(Ўз мухбиримиз)

«Ўзбекнинг ўзи қизиқ, ўзидан сўзи қизиқ» деганларидек республикамизнинг қайси бир тумани, қишлоғи ёки маҳалласига борманг, барчани ўзининг қизиқ-қизик гапларини ажойиб хангомалари билан қулдириб юргувчи ўз Афандиси албатта топилади. У кириб борган тўйми, бирор бошқа маросим ёки даврага дарров фойда қиради-қўяди. Бундай кишиларнинг ҳали гапини эшитмай туриб, ўзини кўришингиз билан беихтиёр кулиб юборасиз. Танангиздан гўбур қўтарила бошлайди. Алланималар ҳақида сураётган ўй-хаёлларингизни, ҳатто сўзлаётган бўлсангиз гапингизни ҳам бир чеккага суриб қўйиб, кўнгилларни хушнуд этувчи ўша инсонга ҳурмат бажо айлаб, бутун диққат-этиборингизни қаратасиз.

Ана шундай, ҳамиша хушчақчақ, ҳеч кимнинг дилига озор бермай, ёшу қари билан бирдек ҳазиллаша оладиган, кўнгли очик, беғубор, касб-кори оддий электр монтер ва ҳайдовчи бўлган Қўзи ака ҳақида гапириш мен учун қандай ёқимли ва мароқли!

Маҳалламизда, наинки бизнинг маҳалла, ҳатто қўшни маҳаллаларда Қўзи акани танимайдиган, уни кўрганда ҳазиллашмайдиган, унинг ҳозиржавоб, аскиянамо гаплари, ичакузар хангомаларидан баҳраманд бўлмаган одам топиламасди.

Куйида ажойиб инсон Қўзи аканинг айрим хангомаларини этиборингизга ҳавола қилмоқчиман.

ҚЎЗИ АКА ХАНГОМАЛАРИ

ҚЎЛИМНИ
ЮВИБ ЧИҚИБ
ГАПЛАШАМАН

Маҳалламизда ён қўшни — жон қўшни бўлишим, илгарилари юкори лавозимларда ишлаган баобрў отахонлардан Боки ака Фуломов пенсияга чиққан ҳовлисидаги майд-чуйда ишлар билан банд бўлиб қолди. У кишининг шундоққина ўйи рўпарасида Қўзи ака яшайди.

Кулларнинг бирида Қўзи ака кўча эшик олдини дастаси узун супурги билан супураётган Боки аканинг олдида келиб салом берди. Шунда Боки ака қўллари ифлос бўлганлиги боис Қўзи акага қўлини чўзиш ўрнига тирсагини тутказди. Қўзи ака ҳам шу вазиятдан фойдаланиб, ўз навбатига Боки аканинг тирсагига тирсагини теккизиб, силтаб-силтаб қўришган бўлди-да:

— Ҳозир шундай кўришим мода бўлган, — деди жиддий оҳангда.

Қўзи аканинг ҳозиржавоблигидан ҳайратда қолган Боки ака дабдурустан Қўзи аканинг ёқасидан маҳкам ушлаб, уч-тўрт силкитди-да:

— Оббо Қўзивой-ей, сен қандай кунда туғилгансан ўзи! — деди кулгидан ўзини тўхта олмай.

Шунда Қўзи ака ёқасини ҳали ҳам қўйиб юбормай турган Боки акага қўққис-

дан такрор «хужум»га ўтиб:

— Вьетнамдан қўлингни торт! — деди хитоб билан.

Бир лаҳзанинг ичида ўзидан анча кичик бўлган Қўзи акадан кетма-кет «енгилган» Боки ака кулгидан қўз ёшларини арта-арта ҳовлисига кириб кета туриб:

— Сен билан қўлимни ювиб чиқиб гаплашмасам бўлмайдиганга ўхшайди, — деганча ҳовлисидан ташқарига чиқмай қўяқолди.

УЛФАТИ ЧОР, АНДА
МАЗА БОР

1970 йилларнинг бошлари. Ҳарбий хизматдаги укам Ҳасанни кўриб келиш учун у ака-ука Бухорога отландик. Бу ҳақда Қўзи акага айтган эдик «Мен ҳам сизлар билан борганим бўлсин» деб розилик билдирди. «Улфати чор — анда маза бор», деганларидек даврада Қўзи ака бўлганидан кейин албата зерикмаймиз-да!

Кечкурун поездга ўтириб, йўлга равона бўлдик. Бир шинам купени эгаллаган тўрттовлоннинг танани яйратадиган суҳбати, алламаҳалгача давом этган беғубор қаҳқаҳа, ширин улфатчилик деярли тоғотаргача давом этгани боис Бухорои Шарифга етиб келганимизни ҳам сезмай қолбимиз.

Ҳарбий қисмини сўрай-сўрай укамизни топиб, дийдор кўришдик. Ҳасан соғ-са-

ломат хизматни ўтаб юрганидан мамнун бўлдик. Командирдан қўлашиб илтимос қилган эдик, аскарга икки кунга рухсат берди. Бешовлон қадимий шаҳар Бухорони томоша қила бошладик. Йўлда кета туриб Қўзи ака қўтилмаганда пешонасига шапатиллаб бир уриб:

— Е тавба! Уйимдан анча узоқ бўлган Бухорода ҳам менга тинчлик йўғ-а, — деб қолди.

— Ха, Қўзи ака, нима гап, кимдан, нимадан норози бўляпсиз? — деб сўрадим. Шунда Қўзи ака бир бинонинг пештокидаги «Роҳат» деган ёзувни бизга кўрсатиб:

— Роҳатсиз икки-уч кун дам оларман деб сизлар билан йўлга чиққан эдим. Мана, қаранглар—шу ерда ҳам рўпарамдан чиқиб турибди Роҳат, — деб калласини сарак-сарак қилиб қўйди.

Биз, ака-укалар мазза қилиб қотиб-қотиб қулдик. Чунки Қўзи аканинг хотинининг исми Роҳатой эди-да!

СОКОВ БЎЛИБ
ҚОЛАМАН...

Қўзи аканинг эски «Виллис» машинаси бўлиб, у «Шўрбозор», «Назарбек»даги мол бозорига қатнаб турарди. (Қўзи ака ёшлигидан мол боқишга ишқибоз эди). Айниқса чоршанба, якшанба кунлари тонгда машинасини триллиб ташқарига олиб чиққанда Қўзи ака қўпинча ён қўшниларидан бири дўхтир Ахбор аканинг каллаи-сахарлаб кучугини етаклаб юганини кўради. Қўзи ака дўхтир билан ўрталарида бўлган гапни бизга кула-кула шундай таърифлаб берган эди:

— Кўчага машинамни олиб чиқишга юрагим безиллайди. Нега десаларинг дўхтир «Қўзи, қаёқ томонга кетяпсан?» — деган саволи бериб, кўз очирмайди. Мен нима жавоб қилишимни билмай эсанк-раб, қаёққа кетаётганимни айта олмай, дудукланиб қоламан. Чунки қаёқнинг номи айтмай дўхтири тушмагурнинг ўша томонда албатта иши бўлади-да, «Мени ҳам ола кет» дейди. Азборои Худо, мабодо «Космосга кетяпман» десам ҳам дўхтир тап тортмай «Мени ҳам ўша ёққа ола кет», дейди. Дўхтирни кўрдим дегунча соков бўлиб қоламан.

Жаҳонгир ПИРМУХАМЕДОВ

Футбол

«ПАХТАКОР» - ЯРИМ ФИНАЛДА

ЎТГАН КУНИ

«Дўстлик» стадионида ўтказилган Ўзбекистон Кубоги чорак финалининг «Пахтакор» - «Сўғдиёна» жамоалари ўртасидаги такрорий учрашув тошкентлик футболчиларга муҳим галабани туҳфа этди.

Шуни айтиш лозимки, Жиззах вилоятида ўтказилган биринчи учрашув жанговар дуран билан 2:2 ҳисобида яқунлангани боис, мазкур ўйин анча мurosасиз ўтиши тахмин қилинганди. Аммо, майдоннинг ҳар бир чизигида пахтакорчилар яққол устунлик қилишди. Тўпни бир-бирига аниқ уза-

тишда, рақиб дарвозаси томон хавфли ҳужумлар уюштиришда тошкентликлар алоҳида ажралиб туришди. Бу ҳаракатлар ҳамда уюшган ҳолда жамоавий ўйин намойиш этиш «Пахтакор»га галаба келтирди. Учрашув 4:2 ҳисобида яқунланди. Ва мамлакатимизнинг етакчи жамоаси Ўзбекистон Кубоги ярим финалида қатнашиш ҳуқуқини қўлга киритди. Мухлисларга ҳаяжонли дақиқаларни ҳада этган голларни дарвозаларга «Пахтакор»дан С.Жебаров, З.Тожиёв (2 та), А.Солиев, «Сўғдиёна»дан Р.Ҳайитов ва Қ.Аликуловлар йўллашди.

Анвар ЙЎЛЧИЕВ

• кенг ассортимент • арзон нархлар •

**КАНЦТОВАРЛАР
ҚОҒОЗ ВА БЛАНКАЛАР**

биринчи қўлдани!

OFFICE X TRADING

199-42-22, 199-43-33

www.officetrading.com

Офисингиз учун
хизмат кўрсатамиз

Махсус сертификатланган

• аниқ махсуслашлар •

• ҳақ тўлатиб тур •

• Улғурчи мижозларга Тошкент шаҳри бўйича БИЗНУЛ етказиб бериш •

“ИШЛАБ ТОП!”

Жаноб тадбиркорлар ва мухтарам корхона раҳбарлари!

Биз наваҳир, иқтисоди, байратга ўзла ёшларимиз. Бизга факат Сизнинг таъбирида на қўлланганимизни етказиб бериш. Байрат ва таърибнинг биринчи натижаси. Чунки бу — муваффақиятга олиб бериш на қўлланганимиз.



Тошкент шаҳар «КАМОЛОТ» тадбиркорларга «Ишлаб топ!» ижтимоий акциясида фаол иштирок этиб, ёшлар учун масъумий иш ўринларини тақдим этишнинг тақлиф қилади. Қўшимча маълумотларни

137-72-20, 137-72-21

телефон рақамлари орқали алоқа марказидан олишингиз мумкин. Ёки ушбу вебсайтлардан акция ҳақидаги ахборотга эга бўлишингиз мумкин:

www.tashkentkamolot.uz
www.2oxygen.com
www.kvn.uz

Акцияда қатнашган тадбиркорларга «Тасвир» нашриёт уйининг барча нашрларида реклама joyлаштириш учун имтиёзлар берилади.



Муассис:
Тошкент шаҳар
Ҳокимлиги

Бош муҳаррир
Акмал АҚРОМОВ

Манзилимиз: 700000,
Тошкент шаҳри,
Матбуотчилар кўчаси, 32

ТЕЛЕФОНЛАР:

ҳатлар — 133-29-70,
эълонлар:
133-28-95, 136-57-65,
факс: (3712) 133-21-56

Ҳажми — 2 боёма табоқ оғеет усунда
боёқлади.
4127 нусхада боёқлади. Қўзга бирини А-3

Газета Тошкент шаҳар
Матбуот ва ахборот
бошқармасида 02-1-рақам
билан рўйхатга олинган.

Душанба, сешанба, чоршанба,
пайшанба ва жума кунлари чиқади.
Навр кўрсаткичи — 563

Нашрин етказиб бериш масалалари бўйича турар joyларга
почта бўлимларга ёки «Тошкент почтаси»га — 133-74-05
телефонга муражаат қилишингиз мумкин.

Газета «Тошкент оқшоми»нинг компьютер
марказида терилди ва сақланган.

«Шарқ» нашриёт-матбоа акциядорлик компанияси бошқармаси.
Корхона манзили: «Буюк Турон» кўчаси, 41-уй.